


31

F. II. 31.



M

E

S.

P.M

E

PRA

MOMENTA
RATIONUM
DE
UTILITATE
EXERCITIORUM
S. P. IGNATIJ
DE
LOYOLA.
A

P. MAXIMILIANO WIETROWSKI,
Societatis JESU.

EDITIO SECUNDA.

Cum Licentia Ordinarij.

PRAGÆ, Typis Caroli Joannis Hraba,
Annô M. DCC. XXV.

Montis Argentini Evemusand

Camel Dulenz

REVERENDISSIMO

ET

AMPLISSIMO

DOMINO

WENCESLAO

WEIMLUWA,

Sacri ac Exempti Ordinis Ci-
sterciensis Celeberrimi Mo-
nasterij Fontis Beatissimæ
Virginis Mariæ

AD ZARAM

ABBATI

Marchionatus Moraviæ

PRÆLATO,

Sac. Cæs. Regiæque Majestatis

CONSILIARIO,

REVERENDISSIME
ET
AMPLISSIME
DOMINE
ABBAS.



*Emper Magnos Viros, ut-
pote consuetum ipsorum
Domicilium parit solitu-
do, ad quam illos DEUS
evocat, ut familiarius cum eis conver-
setur; dumque illos à mundo separat,
nè vel persecutionem ab eo patiantur,
vel corrumpantur, ad stationem silen-
tio & quieti consecratam eos deducit,*
)(2 *sua*

sua illis arcana placita manifestaturus. In hac Schola docuit Prophetas, qui mundum universum instruerent: in hac Palestra illos exercuit, ut primum se ipsos, ac postmodum alios vincere asuescerent: In hoc theatro suam ostendit potentiam, & maxima in beneficium ipsorum patravit miracula. In solitudinem attraxit Moysen, ut rectam gubernandi populos artem condisceret, tradita ei Lege ab omnibus Orbis Universi Nationibus recipienda. Eò evocavit Eliam, ut eum à furore Jezabelis eriperet, & ardentem pro sua gloria tuenda Zelum inspiraret. Eò denique Magnum Joannem Baptistam deduxit, ut Filij sui Præcursores & Pænitentiae formaret Prædicatorem. Reverendissime & Amplissime Domine Abbas, nemo ignorat, Sacerrimum Ordinem Cisterciensem universum Cœlestibus delicijs vite contemplativæ, cum suo mellifluo Bernardo intentum, & in
amæ-

*amœna Vallium solitudine melleo An-
gelorum pasci consortio.*

*Hujusmodi suavitatibus Religiosis-
simum Cœnobium tuum prope fontem
Beatissimæ Virginis Mariæ, veluti
lautissimis Paradisi dapibus reficitur,
& non jam ex illo fonte manante ri-
vo, sed torrente cœlestium volupta-
tum potatur; nè videlicet Virgineo
Divinæ Matris Uberi asuetis Bernar-
di sectatoribus deesset fons Lacteus e-
jusdem Virginis & Matris, quæ suos
in beata solitudine, divina contem-
plantes & Unigenito suo sibi que psal-
lentes Filios nutriet & confortet. Gra-
tulare Tibi Reverendissime & Am-
plissime Domine Abbas, Te Pa-
trem esse tam Sanctæ solitudinis à
mundi strepitu segregatæ, ubi Te Du-
ce, Filios Tuos velut Angelos Terre-
stres in splendoribus æterni solis defi-
xos, indefinenter in sublimiora & sub-
limiora evolare vides, quorum affe-
ctus ignibus Divini amoris inflam-*

mas, & luce divinarum scientiarum
illustras, atque ita in Seraphinos &
Cherubinos mortales trasformas.
Quid igitur vetat Sanctæ solitudi-
ni sanctam sociare Solitudinem, ut
solitudo una manum præbeat alte-
ri & ambæ mutuo se amplexu con-
foveant? Unam honori Tuo inscri-
bere audeo, in Opusculo de utilitate
Exercitiorum Spiritualium Sancti
Parentis mei Ignatii. Scio equidem,
nihil Te in eo reperturum novi, quod
pridem nescires, imò quod experien-
tiâ propriâ non comprehenderes: sed
etiam non ignoro, quòd non tam novi-
tatem, quàm solidam veritatem dili-
gas, quæ Divina sapit atque Cælestia,
Tibi Tuisque Filijs charissimam.
Ut verò ad beatam vitæ Religiosæ so-
litudinem alij adhuc inter mundi pe-
ricula fluctuantes invitentur, in alte-
ra hujus Opusculi parte Vocationem
Victoriosam Nomini Tuo dedico.
Exercitia Spiritualia plurimos Ordini

nibus Religiosis Viros pepererunt insignes; & Vocatio Victoriosa permultos docuit superare obstacula, quibus eos fallax mundus abstraherat, nè à periculoso tumultu sæculi se se extricarent. Hanc proinde alteri adjungo lucubrationi, veluti Matri Filiam, aut sorori sororem.

Dùm verò Sacras solitudines, Matrem & Filiam, commemoro, illico in mentem sua sponte venit alia quoque Sacra Cognatio, una solitudo Mater, altera solitudo Filia (neque enim Sacre solitudines sunt adeò steriles, ut omnem suæ stirpis renuant propagationem) utraque Tibi, Tuoque Sacro Cœnobio Zarenfi Mater & Filia, utraque Cistercij Sacra solitudo. Reverendissime & Amplissime Domine Abbas, liceat hîc referre cum incremento gaudij Tui Tuorumque Filiorum, propinquam hanc utriusque solitudinis Cisterciensis Maternam & Filialem conjunctionem.

* *Sub Monte Viridi prope Oppidum
 Nepomucense in Bohemia, erat quon-
 dam Cœnobium Sacri Ordinis Cisterci-
 ensium celeberrimum & mater facun-
 da Virorum Religiosissimorum : ex quo
 prodijt olim virtute illustris Dominus
 Robertus, qui ex Priore ibidem ad
 Infulam Episcopatus Olomucensis in
 Moravia evectus, Ecclesiam suam
 Cathedralē S. Wenceslai, prius Sa-
 cro Corpore Christi Martyris Christi-
 ni, aurea & pretiosa gemmis ornata
 Theca incluso, postmodum Cruce pa-
 riter aurea duodecim pondo gravi,
 speciosissimè ornavit & ditavit. De
 hoc etiam Cœnobio prodivēre Primus
 Abbas & primi Religiosi, qui in Mo-
 nasterio Fontis Beatissimæ Virginis
 Mariæ, vulgò Zara vel Sara dicto
 in Marchionatu Moraviæ, primas
 Nepomuco fixēre Colonias : isti in Ne-
 pomucena pietate, Religiosaque Ci-
 sterциensi observantia DEO famulan-
 tes,*

* Cistercium bis Tert. Titul de Nepomuc.

tes, se suosque Posteror in perpetua
tempora Filij Nepomucensis Monaste-
rij nuncupari & manere voluerunt,
ac Monasterium hoc Zara dictum, Fi-
liam Nepomuci esse profitebantur.
Hinc Zara ex prima sua plantatione
tantam cum Nepomuco habet cognat-
ionem, ut hactenus commune fuerit
utrique, quidquid alterutri seu pro-
sperum seu adversum acciderit.

Evēit subinde Nepomuci, quòd ste-
riles Parentes S. Joannis Nepomuceni,
in Ecclesia Monasterij S. Margaritæ Vir-
gini & Martyri dedicata, votū ad DEI-
paræ Virginis ibidem Thaumaturgam
Iconem (cujus hodie dum, veram ef-
figiem Zara in Templo suo veneratur)
emissō, sibi fecunditatem & S. Joanni
vitam & Nativitatem impetraverint,
ac tandem etiam amissam ejus recupe-
raverint sanitatem. Ex hoc beneficio
laetata est Ecclesia Nepomucensis, sed
non minùs collatabatur Zara; quæ
Joannis Nativitatem non tam partu-
rienti Matri naturali, quàm Gratijs

Marianis Nepomuci obtentis, Matrem illam fecundantibus adscribens, jam inde sororem seipsum cum gaudio agnoscebat. Dum enim in puerilibus annis Joannem, (quem præsago lumine Cœlesti in ejus Nativitate DEUS ipse Magnum fore ostenderat) in sinu Matris suæ, Ecclesiæ Cisterciensium quotidie commorantem, & angelico Ministerio Missarum Sacrificijs deservientem, prima Fidei rudimenta & sanctarum virtutum institutionem avidè haurientem videret, quis non crederet Zaram tunc sæpius magno cum gaudio exclamare potuisse ad Joannem: O quis mihi dabit Te Fratrem meum sugentem ubera Matris meæ!

Sed posteaquam posita jam Lucerna super candelabrum, S. Joannes Nepomucenus virtutum suarum & miraculorum radijs totum Bohemiæ Regnum illustraverat, & in suo Martyrio testes Sanctitatis suæ, Cœlestes fa-

ces stellâsque denuo acceperat ; tum enim verò in Devotione Joannea, Zara Nepomucum emulabatur , Filia Matrem, & ardentissimo affectu utraque ipsum prosequebatur tam diu, donec Husitica superveniente rabie , utraque simul ex odio Fidei Catholica fuisset extincta. Cum autem post annos quadraginta veluti Phenix è suis cineribus resuscitata , iterum in lucem prodiviisset Zara , & Matrem suam olim sociam in rerum Natura non invenisset , nec ampliùs Nepomuci haberet Virum Cisterciensem , qui ad sèlemnitatem compareret ; ideo rursus per piissimos Præsules (inter quos præcipui duo S. Joannis Nepomuceni Cultores commemorantur , nempe Joannes Theodoricus Abbas Zarensis & Episcopus Nazarethanus, atque Wenceslaus Abbas quoque Zarensis primus & Episcopus Nicopolitanus ac Suffraganeus Olomucensis) in devotione Joannea ità instructa fuit , ut non tantum

tum affectum sororium; verum etiam
Maternum Nepomuci deperditum vo-
luerit Joanni compensare.

Nunquam tamen id mundo clariss
ostendit, quam dum nuper sub Augu-
stissimis auspicijs Caroli I. Cæsaris, &
Celsissimi Principis Ferdinandi è Co-
mitibus de Khünburg Archi-Episco-
pi Pragensis, de S. Joanne Nepomuce-
no Sanctis asserendo Romæ ageretur,
totaque Bohemia ad sollemnissimos ap-
plausus se se præpararet: tunc enim
Zara de felicissima sorte gaudijs tener-
rimis Fratri suo congratulari cupiens,
tanto in eum cultu ferri cepit, ut visa
sit voluisse stellas de cælo in ejus clari-
tudinem in terras detrahere, atque
Matrem Nepomucense Monasterium
è profundis ruderibus in Societatem
gaudij educere; & quamvis neutrum
posset, utrumque tamen ut potuit, ad-
umbravit. Nam & Joanni stellas
contulit, dum in Monte sibi vicino,
Nigra Silva dicto, Templum & quon-
que

que Capellas in forma stellæ, opere Gothico & eleganti ipsius honori extruxit & cōsecravit. Matrem quoque suam, Nepomucense Cœnobium, in se ipsa expressit, dum stellâ istâ illuminatâ Nigra Silva populari denominatione in Montem Viridem mutari, sibi que hac ratione similitudinem & imaginem Nepomuci, quod æquè sub Monte Viridi sitū est, superinduci cōspiceret, prout hodie dū se intuetur

Reverendissime & Amplissime Domine Abbas, hæc sunt, ut scio, deliciae Tuæ in Sanctæ Cistercij Tui Zarensis solitudine, ubi Dilecti Tui S. Joannis Nepomuceni, ejus tenerissimo amorī totus, cum toto Cœnobio Tuo deditus es, Tuus Tuorumque Filiorum Zelus occupatur & oblectatur. Fruere porrò in annos plurimos hac beata sorte, & gloriare de propagatione gloriæ Tui, ejus ipse totus es, S. Joannis Nepomuceni: & quia hic Magnus Sanctus è solitudine Cistercij prodivit, in eam spem venio, fore, ut æquo affectu solitudinem Ignatianam cum Vocatione Victoriousa suscipias, dum ego in perpetuum honoris Tui studiosissimus maneo & manebo

Reverendissimæ & Amplissimæ
Dominationis Tuæ

Obstrictissimus Servus
Maximilianus Wietrowski, S. J.

FERDINANDUS WALDTHAUSER

Præpositus Vice - Provincialis
Bohemiæ Societatis JESU.

CUm Libellum, cui Titulus : *Momen-
ta Rationum de Utilitate Exercitiorum
Sancti Patris Ignatij de Loyola, ex varijs
Authoribus Societatis JESU collecta à P.
Maximiliano Wietrowski ejusdem So-
cietatis ; dictæ Societatis Sacerdotes re-
cognoverint, ac in lucem edi posse judi-
caverint : potestate à Patre Nostro Thyr-
so Gonzalez Præposito Generali ad id
mihi datâ, Facultatem concedo, ut Li-
bellus typis mandetur. In quorum Fi-
dem has Literas manu meâ subscriptas,
& Officij mei Sigillô munitas dedi. Pra-
gæ ad S. Clementem 25. Septembris,
Annô 1699.*

(L.S.)

FERDINANDUS
WALDTHAUSER.

Ad Lectorem.

POST Absolutum secundum triennium in munere docendi Philosophiam, atque de Cathedra Peripatetica ad suggestum Evangelicum transitu facto; placuit calamum à Philosophicis transferre ad cœlestia scribenda: unde in animo meo statui hunc ipsum libellum, quem manibus tenes, & oculis intueris, Lector humanissime concinnare de Utilitate Exercitiorum Spiritualium S. P. Ignatij de Loyola. Et ne magnitudine molis, te absterrem à legendo; materiam amplissimam, in istam, quam hic vides, contrahere adnissus sum brevitatem. Accidit enim non rarò, ut libri ab optimis licet atque saluberrimis consilijs pretiosi, sola magnitudine, metum & nauseam provocent apud aliquos, eos præsertim, qui seu stomachò seu palatò ad Spiritualia vitiatò, terrenisque duntaxat asveti saporibus, maximè opus habent librò medicò. Sed alij quoque faciliùs certè, atque jucundiùs ad legendum assumunt non infructuosè, quando modicà suà mole, unicuique offert victoriam sui libellus. Horrorè ægro inferunt medicinæ, quan-

titate immodicæ ; eas interea si prudens
Medicus in minutos globulos convoluat,
etiam ægrotus non gravatè abstinet ad
salutem. Invenies in hoc Opusculo, &
dignitatem, & utilitatem *Exercitiorum
Spiritualium*, S. Ignatii de Loyola sanè
maximam ; qua ego Te Lector optime,
animamque tuam, nolim porro destitui,
ut tum debito meo, quo Proximos ad sa-
lutem æternam juvare debeo ; tum sin-
cero studio, Tibi serviendi, ut cupio, fa-
ciam satis. Diu fortassè in votis habui-
sti, cognoscere penitus, quid tandem
sint illa *Exercitia Spiritualia*, tantopere à
summis Pontificibus approbata, i. audata,
& commendata ; ubique maximis enco-
mijs deprædicata ; & ab omni genere ho-
minum usu toties repetita : En libellum
istū, tolle, lege, dum tranquillò es animò ;
& piæ curiositati tuæ dabis, quod op-
tabas. Divina Bonitas gratijs suis coele-
stibus, dum leges, mentem tuam illumi-
net, affectum recreet atque inflammer,
ut animum resolves ad negotium æternitatis,
quæ Te certò expectat, & salutis tuæ, quæ sem-
per in hac vita mortali incerta est ; saltèm semel
in vita seriò pertractandum. Vale optimè, d. u-
tissimèque ; & noticiâ istâ in tuum commodum
prolatâ, utere felicissimè, ut opto.



PARS I.

De Natura Exercitiorum
Spiritualium

S. I G N A T I J
DE LOYOLA.

CAPUT I.

*De Authore Exercitiorum
Spiritualium.*



Ertum atque ab
omni controversia
remotissimum jam
nobis est, Authorem
aurei & planè divini
libelli Exercitiorum spiritualium
esse D. Ignatium de Loyola Fun-
datorem Societatis Jesu. Constat
hoc imprimis ex manuscriptis ejus-
dem

dem sancti, quæ in Archivo societatis Romæ asseruantur. Libellus ille, tanquam partus ab Ignatio elaboratus, primum oblatus Paulo III. Pontifici maximo, deinde ab eo approbatus, & magnis laudibus commendatus fuit. Accedunt plura testimonia jurata in processu Canonizationis facta, autoritas quoque Auditorum sacre Rotæ, qui adeò manifestum fecerunt Pontifici, Exercitia spiritalia, non ex ullo humano ingenio prognata esse, sed à mente divina processisse, dum ita loquuntur: Cùm dicta Exercitia facta fuerint eo tempore, quo dictus B. Pater erat idiota, & literarum ignarus, utique cogimur fateri, dictam cognitionem & lumen, supernaturaliter infusa potius, quàm acquisita fuisse. Ut nullus deinceps rationabili dubitationi locus fuerit relictus.

2.

Accedit Advocatus Consistorialis, qui coram Gregorio XV. summo Pontifice in Consistorio

pu

*Audito-
res Rotæ
Reman-
ent.*

publico de Ignatio affirmavit; dum adhuc Manresæ solitarius esset, libellum illum conscripsisse, *ex ijs, quæ divinò Magisteriò didicerat.* Insufficiens proinde atque omnino vana est vetus illa oppositio cuiuspiam affirmantis, Exercitia spiritualia à sancto Ignatio descripta & compilata esse ex quodam Exercitatorio Cisneri Abbatis. Nam si duo ista opera secum invicem conferantur; adeò sibi dissimilia sunt, ut neque in rebus tractandis, neque in Methodo, atque ordine conveniant, prout egregiè ostendit Bartolus noster.

Cæterum, primus & verus 3. Author operis hujus pretiosi, de quo agimus, est sinè dubio ille, sinè quo nihil boni cogitare vel dicere possumus, DEUS optimus, maximus; qui cœlesti lumine suo illustratam Ignatij mentem; Virgine Deiparâ, Mariâ, quæ & veræ Religionis, & veræ devotionis est Magistra, assistente ac dirigen-

te, ut piè credimus, Exercitia spiritalia conuincinari per Ignatium, & mundo proponi voluit & fecit. Testantur enim unanimiter vitæ sancti hujus scriptores, quod in solitudine Manresana per illos menses decem, ubi quotidie septem horas meditationi rerum caelestium impendebat; DEUS mentem Ignatii illustraverit crebris revelationibus, frequentibusque apparitionibus, quibus eum invitebant aspectu visibili, Salvator noster cum sua sanctissima Virgine Matre, instituendo & erudiendo eum in spiritu. Unde P. Jacobus Lainez & P. Joannes Polancus, viri tum in sanctitate tum in doctrina eximij, & secretorum Ignatii consciij, palam testati sunt, quod Ignatius in scribendis Exercitijs suis dicere potuerit, quem admodum dixit olim Christus apud S. Joannem: *Mea doctrina non est mea.*

deest revelatio facta in Hispania
 Virgini à vitæ sanctimonia cele-
 bri, Marinæ de Escobar, cujus
 vitam conscripsit magnus ille Ma-
 gister in spiritu, *P. Ludovicus de* *Lib. 1.*
Ponte. Vacabat hæc Virgo die *c. r. p.*
 quadam contemplationi altissimæ, *2. P. Al-*
 in qua ei comparuit splendoribus *varex in*
 cælestibus ornatus Archangelus *Nua c.* *23.*
 Gabriel ab ipsa Regina Angelo-
 rum missus, qui nomine Deiparæ
 significavit Virgini, rem gratissi-
 mam fore Cælorum Dominæ, si
 Exercitijs spiritualibus operam
 daret secundum usum & consue-
 tudinem Societatis: Eò quòd, si-
 cut ipsa fuit, quæ direxit Ignatium
 in sensis spiritualibus, & Metho-
 do Exercitiorum: Ipsa, quæ pro-
 movit usum & fructum eorun-
 dem; imò ipsa, quæ in terris vi-
 vens, hujusmodi contemplatio-
 nibus proprium pascebat spiri-
 tum; ita nunc in cælis regnans in
 delicijs habeat, fovere protectio-
 ne speciali, & gratijs peculiaribus

cumulare eos, qui ad sui imitationem animum addicunt ad meditando istiusmodi mysteria. Placito isti supremæ Cælorum Domine morem gerens devotissima Marina, quantam deinde habuerit æstimationem Exercitiorum spiritualium, & quos ex ijs fructus retulerit, facile est cogitare, quamvis referre non ita sit huius loci.

CAPUT II.

Quid non sint Exercitia spiritualia.

5.
Bar. l.
1. Vit.
S. Ign.
n. 16.
Angell.
Art. In-
form.
n. 5.

UT planè, ac citra obscuritatem quod volo exponam, dicendum primò est, quid non sint; deinde verò, quid sint Exercitia spiritualia S. Ignatij. Hæc itaque non sunt collectio quædam piarum considerationum, vel fortuitò, vel etiam quali quali studio in unum librum coacta; quemadmodum variati coloribus flores pulcherrimi in unum fasciculum combinati; quibus anima condi-

icat,

scat, & cum DEO, & cum se ipsa
utiliter sola conversari: si enim
nihil haberent ampliùs, neque es-
sent, neque dici possent *Exercitia*
spiritualia S. Ignatij. Quandoqui-
dem in comperto est apud omnes,
primum inventorem non fuisse,
vel nominis *Exercitiorum Spiritua-*
lium, vel piarum meditationum,
S. Ignatium; nam utrumque jam
olim ante ipsum erat in usu.

Quod nomen *Exercitiorum* 6.
spiritualium attinet; illud profe-
ctò jam pridem à Patribus est usur-
patum, prout ostendit P. Franci-
scus Suarez. Nam S. Bernardus in
libro de vita solitaria, ait: *Non Spi-*
ritualia Exercitia sunt propter corpo-
ralia, sed corporalia, propter spiri-
tualia. Vocat autem, ut notat
Suarez, exercitia spiritualia, le-
ctionem, meditationem, Oratio-
nem, & conscientiae examinatio-
nem. Et D. Bonaventura quod-
dam opus suum *Exercitia spiritua-*
lia nominavit quorum necessita-

Franc.
Suarez.
tom. 4.
de Relig.
c. 5. à
n. 1. S.
S. Ber-
nard. l.
de Vit.
solit. ad
Frat. de
Monte
DEI
col. 22.

S. Bo- tem volens exprimere, illud his
naven- verbis inchoavit. *Ut in virtutibus*
tura. conserveris, oportet te habere *Exer-*
Tom. 1. citia spiritualia, quibus *animum*
opuscu- tuum occupes, quia nisi sic, non po-
lorum teris in virtutibus perseverare. Et
in fin. Ludovicus Blosius, magnus in Spi-
Ludo- ritu Magister inquit: *Lectio, pre-*
vicius catione, ceterisque spiritualibus *Ex-*
Blosius ercitijis deditus esto. Denique simi-
in Cano- li modo S. Laurentius Justinianus
ne vita loquitur: sunt *spiritualia Exercitia*
spirit. c. *sedulâ cordis intentione colenda.* Et
16. hæc de nomine antiquissimo *Exer-*
7. citiorum spiritualium.

S. Chry- Sed etiam usus meditandi,
soft. lib. seu mentaliter orandi usitatissimus
de oran- fuit apud SS. PP. Qui multis sæ-
do Deû culis ante S. Ignatium in Ecclesia
S. Am- DEI floruerunt. S. Chrysosto-
mbrosius mus duos conscripsit libros *De O-*
lib. 6. de rando Deum, Innumeris refertos
sacram. sententijs, & laudibus Orationis
cap. 3. mentalis; Per quod, ait, illud affe-
S. Am- quimur, ut mortales; & tempora-
brosius rij esse desinamus. D. Ambrosius
 ex-

QUID NON SINT.

9

exponens verba illa Math. 6. *Cum lib. 6. de oraveris, intra cubicum tuum. id Sacram. est, ait: cor tuum & mentem tuam, cap. 3. & clauso ostio; id est, ore, ora Patrem tuum. &c.* Idem exarcitium Orandi commendabat S. Nilus, *svadebatque Sensu orandum esse: Quod ita explicat. Sensus est consideratio cum reverentia & compunctione, & dolore animi, cum suspirijs sine voce.* Aliud itaque à S. Ignatio expectandum est in Exer- *S. Ni-* citijs spiritualibus, quam nuda *lus lib.* quædam orandi, meditandi, & *de Ora-* alijs ad spiritum pertinentibus ex- *tion. c.* ercitationibus animam excolendi. *39. &* *4.* ratio.

CAPUT III.

*Quid sint Exercitia Spiritualia
Sancti Ignatii.*

DUO quæri possunt: primò *8.* quid nomine Exercitiorum *S. Ignatius lib.* spiritualium intelligat S. Ignatius: *Exerci.* Secundum, quid res ipsa sit; aut *spiritu-* *al.* *quid*

A 5

quid efficiant Exercitia ? Utrumque declarat S. Ignatius, his verbis: *Nomine spiritualium Exercitiorum intelligitur quilibet modus examinandi propriam conscientiam, item meditandi, contemplandi, orandi secundum mentem & vocem, ac postremò alias quascunque spirituales operationes tractandi; sicut enim deambulare, iter facere, & currere, exercitia sunt corporalia: ità quoque preparare & disponere animum ad tollendas affectiones omnes malè ordinatas; & his sublati, ad querendam & inveniendam voluntatem Dei circa vitæ suæ institutionem & salutem animæ, Exercitia vocantur spiritualia. Ità per viam descriptionis, Exercitia spiritualia definit S. Ignatius, tū quoad nomen tū quoad rem ipsam. Nomen quidē explicat usque ad illa verba: *Exercitia sunt corporalia.* Rem verò de-*

Bartol. incept ab illis verbis: *Preparare*
1. vit. S. & disponere. &c. Ex qua descripti-
Ignat. one finis intimus eruitur, ad quem

QUID SINT EXERCITIA. 11

consequendum Exercitia spiritalia diriguntur. Nimirum Vir sanctus, & Zelô animarum salvandarum plenus instituere voluit curationem animæ fundatam in certissimis Fidei Divinæ principiis, eâ Methodo ac ordine connexis, ut observatis exactè medijs à se præscriptis, infallibilis, quantum est de se, fieret consecutio spiritalis sanitatis; quæ sicut sanitas corporalis in ejectione pravorum humorum, & inductione temperamenti debiti reposita est; ita sanitas animæ in peccatorum & vitiorum extirpatione, atque insitione virtutum consistit.

Erat sanè priusquàm lucem 9.
hanc vidisset Ignatius, notitia fi- Dan.
nis ultimi, ad quem homo à Deo Bartol.
creatus est; erat notitia pœnarum
infernî, & aliorum hominis no-
vissimorum: neque ignota erat
malitia peccati, vel conscientiam
examinandi ratio, aut mysterio-
rum vitæ Christi contemplatio;
Sed

sed ars ex inspecto probè statu animæ suorum intemperie affectuum laborantis orta; & ex intima notitia virtutis, quâ unaquæque consideratio pollet, nata, Methodumque certam atque infallibilem de se præscribens, quâ unicuique languori sua conferatur medela; hæc enim verò nusquam in mundo ante S. Ignatium visa est. Multi circuli ferrei in unum fascem duntaxat collecti, præter vim nativam ferri omnibus communem, aliam habent nullam; At si manu Artifice fabri alter innectatur alteri, eam ab arte vim induent fortissimi ligaminis, quâ prius carebant singuli. Meditationes in Exercitijs spiritualibus S. Ignatij, mirabili planè atque divinò artificio ita inter se connexæ, sibique subordinatæ sunt, ut una ab alia virtutem accipiat, & robur uniuscujusque augeant omnes; eaque unione ab Ignatio inductâ, evadant se ipsis longè fortiores.

*Joseph
Agnell.*

Un-

Unde natura & ars exercitiorum spiritualium sita est in eo, quod est, *præparare & disponere animam ad tollendas affectiones omnes malè ordinatas, & ijs sublatiſ, ad querendam & inveniendam voluntatem DEI circa vitæ suæ institutionem, & salutem animæ.* Et ideo sancta Sedes Romana oracu' o Pauli III. respiciens ad propriam istā S. Ignatii Methodum, Exercitia spiritalia vocat, & definit esse, *Documenta, sive Exercitia spiritalia ex sacris scripturis & vitæ spiritalis experimentis elicta; & in ordinem ad piè movendos fidelium animos aptissimum, redacta.* Unde non abs re hoc etiam honorificò titulò insigniri merentur atque definiri: Cælestis Philosophia; Manresæ ad lumen divinum ab Ignatio divinitus inventa, atque elaborata. Nam ut optimè ait Suarez; *Reverà fuit donum speciali gratiâ illi concessum, & non sinè magno usu & experientia comparatum*

10.

Suarez
rom. 4.
de Re-
lig l. 9.
cap. 11

cum gratia divina ; Et ideò in hac forma proponenda Et declaranda, Et diversis hominum statibus Et ingenijs accomodanda, versantur ferme omnia documenta hujus operis ; nihilque deest, ut existimo, quod desiderari possit.

CAPUT IV.

Quam rationem in tradendis Exercitijs servaverit S. Ignatius..

- II. **A**Dvertendum imprimis est, libellum Exercitiorum mole sua esse admodum parvum, & omnia in eo breviter tractari ac definiri ; idque ideò, prout observat Suarez, quòd mens Ignatij fuerit, brevissimè comprehendere omnia, quæ ad spiritualem instructionem, & interiorem animæ salutem conducere possunt ; tum ut faciliùs addisci, & exerceri possent : tum etiam ut exercitium ipsum sùavius & delectabilius fieret. Cujus ratio est ; quia sola principia generalia possunt esse omni-

*Suarez.
tom. 4.
de Religion.
Tract.
10. lib.
9. c. 6.
num. 4.*

omnibus communia, quamvis explicatio in particularibus circumstantijs, cum hac vel illa extensione, permittat Prudentiæ Directoris, & Magistri spiritualis, qui exercitia traditurus, atque explicaturus est, sinè quo nunquam, præsertim nondum benè versati, aggredi debent Exercitia: & de brevitate quidè plura dicentur, infra; hìc ad alia particularia descendimus.

Ratio igitur, quam S. Ignatius tenet in suis exercitijs, in ordine ad obtinendum finem à se intentum, est hæc. Pro primo principio seu fundamento totius reformationis spiritualis ponit Exercitium de ultimo fine hominis. In quo ad lumen cæleste consideratur, & solidè comprehenditur, quis tandem sit finis ille, propter quem homo creatus à DEO est, atque in hunc mundum positus. Non certè ut vivat, quemadmodum & reliqua omnia bruta; *sed* 12.

*S. Ignatius lib.
ut Exercit.*

ut Dominum DEUM suum laudet & revereatur, eique serviens tandem salvus fiat. Qui finis utpote sublimissimus, elevat hominem super omnes res alias creatas ratione destitutas; quas tandem deprehendit, hominis ipsius causâ numero maximô, & varietate pulcherrimâ esse productas, ut eum ad finem creationis suæ juvent atque promoveant.

13. Ex hoc principio intellectus etiam mediocris, at bene dispositus; mox videt, ordinem perversum esse; vivere, laborare, conatusque omnes adhibere, ut vel ampla in dominando potentia, vel sublimis in literis sapientia, vel magna ex re militari gloria, vel demum divitiarum atque voluptatum affluentia obtineatur. Hoc enim aliud non esset, quàm DEUM, qui supremus Dominus ac Princeps omnium est, ad suas cupiditates, licèt invitum pertrahere; non se suamque vitam indispen-

penſabili ejus legi atque imperio accomodare; in medijs pro libidine affectionum corruptarum, velut in fine; neglectô penitus vero fine in cultu DEI, ejusque fruitione perpetua ſito; conquieſcere.

Innumerabiles pene fuerunt, 14.
qui bene penetratô iſto fundamentô, adhuc in limine Exer-
citorum, adeò mutati ſunt in
melius, ut ex loco ipſo considera- *Bartol.*
tionis penitus alij à ſe ipſis intran- *lib. 1.*
tibus, exiverint. Martinus Ola- *S. Ign.*
vius præclarum Sorbonæ lumen *n. 16.*
& Doctor Pariſienſis ingenuè faſ-
ſus eſt, ſe per unicam horam ex
meditatione de hoc fundamento
inſtituta, condid'ciſſe plura, quàm
per annos plurimos ex Theologia
Univerſa toties palàm in prælecti-
onibus explicata, atque specula-
tionibus diurnis nocturnisque elu-
cubrata.

Ex hoc fundamento proce- 15.
dit S. Ignatius ad reliqua Exer- *S. Ign.*
citia, quæ omnia in quatuor par- *ibidem*
tes num. 5.

res divisit, quas hebdomadas appellavit, non quia necesse sit in singulis septem dies & non plures vel pauciores infumi, sed quia commodè ità distribui possunt, & regulariter illud tempus videtur sufficiens & accomodatum, quamvis etiam brevius quandoque soleat esse sufficiens; imò satis communiter ad decem vel octo dies usu jam redacta sunt; cùm ad plenum usum eorum integer mensis, aut etiam dies quadraginta requirantur ab Ignatio. Jam quid in singulis hebdomadis contineatur, breviter perstringemus.

CAPUT V.

Quid sit in prima hebdomada.

16. **U**T periti Medicæ Artis rectè instituant curationem corporis ægroti, illud imprimis ab humoribus vitiosis expurgare satagunt. Idem in prima hebdomada seu parte Exercitiorum suorum
- exa-

exactè agit S. Ignatius in curatione spiritali animæ. Hæc enim via est illa , quæ apud Magistros Spiritûs *Purgativa* dicitur , & ideo *Suarez. ibidem num. 5.* illas præcipuè materias continet, quibus divinæ offensionis gravitas ostendatur, ut considerationes reliquæ ad hunc finem conducen-tes veram in anima pœnitentiam & contritionem excitent. Nam in primo Exercitio considerata exhibetur animæ severa castigatio à DEO inflictâ ijs, qui à fine suo per peccatum aberrârunt; quales fuerunt Angeli mali, primi Parentes, ac tandem omnes peccatores, qui propter peccata sua æternis cruciatibus jam addicti sunt; ut itâ periculis alienis facta cautior anima, peccata propria detestetur, & seriâ pœnitentiâ aboleat; atque imposterum seriò caveat.

Inde gradus fit ad considerandam mortis certitudinem, licèt quoad locum, tempus & modum. 17.

dum, incertissimam; quæ illud imprimis efficit, ut semper deinceps paratam mori, probeque ordinatam teneat quisque conscientiam. Inde Judicium tremendum venit considerandum, in quo suprema divini Judicis sententia irrevocabilis atque justissima erit audienda, vel ad æterna præmia vitæ beatissimæ invitans, vel ad supplicia mortis & gehennæ condemnans pariter æterna; cujus enormes cruciatus ad vivum perpenduntur in contemplatione de pœnis inferni. Subditur his tandem consideratio per quam efficax de filio prodigo, quæ mirum in modum excitat affectus hominis verè pœnitentis, & in gratiam Patris amantissimi, Dei, revertentis.

18. Conscientiæ duplex additur examen, manè & evspere quotidie faciendum; quod & ad bene instituendam Confessionem generalem vel ordinariam, & ad conservandam conscientiæ puritatem,

tem, utilissimum est præsidium,
 quod S. Bernardus ita svadet. *Se- S. Ber-*
deat judicans iustitia, stet rea & se nardus
accusans conscientia: nemo te plus lib. de
diligit, nemo te fidelius judicabit: ma- vita s-
nè, præteritæ noctis fac à temetipso lib. 10.
exactionem, & venturæ dici tibi in-
dicito cautionem: Vespere, præteri-
tæ dici rationem exige, & superve-
nientis noctis fac indictionem. Et S.
 Basilius hoc sæpe consilium repe-
 tit, inquit: *Quæ singulis diebus*
feceris, ea vesperi tecum ipse comine-
mora; & eum his, quæ feceris pri-
die conferto, ut melior in dies exas-

CAPUT VI.

*Ad quid ordinetur secunda
 Hebdomada.*

EXpulsis dispositionibus con- 19.
 trarijs, peccatis videlicet,
 quæ in prima hebdomada, contri-
 tione atque confessione retractata
 & evecta sunt, manum admoveat
 medicus spiritualis ad inducen-
 dum

dum debitum temperamentum
variarum virtutum, aliorumque
donorum cælestium in animam.
Hæc igitur secunda hebdomada
proponit Exercitia, quibus homo
instituitur vel ad rectè eligendum;
si nondum elegit, vel ad mutan-
dum, si prior mutari potest; vel
certè si mutari non potest, ad e-
mendandum; & malum in bo-
num vertendum vitæ suæ statum.

20.

Quia verò fundamentum re-
ctæ electionis, quoad statum vi-
tæ in homine Christiano esse de-
bet, sequi & imitari Christum;
ideò statim in principio illius heb-
domadæ proponuntur considera-
tiones, quæ ad hoc firmiter statu-
endum inducant, & præsertim de
Regno Christi, de Incarnatione,
Nativitate, & vita Redemptoris
nostri, quæ nobis proposita est
tanquam exemplar, cui vita nostra
conformari debet. Deinde pro-
ponuntur media ad rectam electi-
onem

onem faciendam, & documenta omnia ad illum finem necessaria.

Perpenditur autem in primo illo exercitio de Regno Christi, invitatio solemnissima, quam Christus Rex noster Clementissimus, & omni amore & obsequio dignissimus, palam facit omnibus hominibustanquam subditis suis, ad debellandos omnes inimicos suos, mundum, carnem, & dæmonem; & ut eos ad sequendum se inducat, securos facit omnes de æqualitate conditionis Regem inter & sequaces suos; cum hoc solum discrimine, quod nihil arduum, nihil difficile aggrediendum erit cæteris, quod exemplô suô Rex ipse, non aget vel tolerabit. Quæ consideratio, pro ut quotidianâ compertum habemus experiëntiâ, vim habet incredibilem, & amabilem quandam violentiam, ad pertrahendum animos hominum jam à peccatis expurgatos, ut mirâ voluptate in
ge-

generosissimas tandem erumpant resolutiones ad Christum Regem suum sequendum.

22. Ex hoc ergo universali decreto sequendi Christum, ordine optimo aescenditur ad particularia Christi Regis nostri exempla, quæ sunt exemplar & norma sanctissima totius imitationis Christianæ; unde sequuntur meditatione de Incarnatione, Nativitate, & alijs præcipuis vitæ Christi mysterijs. Quia verò artes omnes & machinas adhibere solet infernus, quibus homines à proposita Christi sequela removeat, illis ex omni parte bella tum blandimentis tum adversitatibus inferens, juxta illud vaticinium: *Omnes, qui piè volunt vivere in Christo Jesu, persecutionem patientur.* Ideo S. Ignatius, animi se se exercentis, roborandum, & in bono proposito firmandum esse duxit; & hoc præstat illa divina, & tam bene merita de Familijs Religiosorum, quibus

2. Ti.
mosh.
cap. 3.

bus maximi pretij viros peperit
quàm plurimos, meditatio de duo-
bus Vexillis. In hac spectantur
Christus & Lucifer suo quisque in
campo, homines quisque sub ve-
xillum proprium invitans & ad-
scribens.

Quia verò nimis apertè co- 23.
gnoscutur, quòd stipendia Lu-
ciferi, quæ suis promittit sequaci-
bus, & rarò obtineantur, & ob-
tenta etiam aliud nihil sint, præ-
ter fugacia & brevia hujus vitæ &
corporis commoda; certè, cum
æternis calamitatibus & supplicijs
connexa: ea verò, quæ Christus
offert, post exigua, eaque non
diuturna hujus vitæ incommoda,
gaudia sint æterna & felicitas per-
petua; sit ut magni profectò ac
generosi planè animi concipian-
tur, ad contemnenda transitoria
mundi bona, & ad amplectenda
Christi vestigia, in quocunque de-
mum statu vita instituta sit. His
præmissis, non nisi solidissimè, fir-
B mis-

missimèque succedere potest negotium electionis, sive jam versetur de vitæ statu, sive de reformatione atque emendatione jam suscepti statûs; sive de alia quacunque materia, prout in ipsis Exercitijs exponitur.

CAPUT VII.

*Quid in tertia Hebdomada
contineatur.*

24. **F**Acta electione vitæ novæ ad exemplar Christi, iterum stabilienda & firmanda est voluntas contra adversa omnia, quibus infestari atque impugnari potest, à mundo, carne, & dæmone: & quia perfectio vitæ christianæ jam decretæ, longo tempore comparatur, & præcipuè per virtutem passionis & mortis Christi, ideò in tertia hebdomada passio Christi ad meditandum proponitur. Unde etiam ad statum proficientium, & ad viam illuminativam pertinet; ideò.

ideoque exercitia hujus & præcedentis hebdomadæ ad frequentiorum usum totius vitæ spiritualium hominum spectat; quia major pars hominum etiam bonorum, & ex instituto ac electione DEO servientium est in statu proficientium: status enim perfectorum, paucorum est. Et fortasse ob hanc causam in fine tertiæ hebdomadæ adducuntur quædam regulæ ad victum temperandum. Nam ad usum mentalis orationis, ut continuari possit, hæc mendatio imprimis necessaria est.

Discitur itaque in hac tertia hebdomada, vera & sincera amandi ars, nec non suavitas & fortis perseverandi ratio per opera bona in amore ac fidelitate promissa Regi nostro, cui servire, hebdomada superiore statutum est. Sita est autem ars hæc amandi in tolerantia malorum, quorum infinita propè multitudo & varietas deprehenditur in sacro-

sancta passione Redemptoris nostri. Mirum dictu est, quantopere confortetur humana mens ad observandam DEI legem, procurandamque adeptionem finis sui, ad quem creata est, non obstantibus quibuscunque difficultatibus; postquam seriò penetravit, quantà & quàm acerba tormenta liberalissimè pertulerit Unigenitus DEI, Rex noster, ut nos à peccato liberaret, & beatitudinì æternæ transcriberet. Sed hæc longè dulcius experienciâ degustantur, quàm calamô aut verbô delibentur.

CAPUT VIII.

*Quem tandem Hebdomada
quarta finem habeat?*

26.
*Suarez
ibidem.*

Additur quarta hebdomada, in qua Christi gloria & resurrectio datur ad considerandum, attingitque viam unitivam; ut inquit Suarez. Repræsentat ita-

itaque gloriosa resurgentis Christi mysteria, & magnam mercedem, quâ æternus Pater Christi patientiam & amorem usque ad mortem ipsam tolerantis, remunerari voluit, non solum in anima, verum etiam in corpore, tantâ gloriâ, totque dotibus cælestibus in resurrectione conspicuo. Eô pactô mira dulcedine spei de futura sua quoque Resurrectione gloriosa perfunditur homo, si in lege Dei, & vita nova perseveraverit usque ad finem.

Hinc proceditur ad contemplandam gloriam cælestem & voluptates altissimas, quibus æternum perfruuntur iusti in Cælis, beatissimi in anima, beatissimi in corpore propter abundantiam omnium bonorum, secundum illud: *Torrente voluptatis tue potabis eos.* Cum omnia talia Psal 35
 & tanta sint, quæ & qualia nec oculus vidit, nec auris audiuit, nec in 2^a Corinth.
 cor hominis descendit, quæ præparata 9.

vit *DEUS* ijs, qui diligunt illum: Magnam certè viam ad se trahendi mortalium animos habet jucundissimus ille Cælestis Patriæ nostræ locus, etiam deforis conspectus; majorem finè dubio habebit, oculò contemplationis intimè, quoad fieri potest, inspectus. Jucundum sanè spectaculum est animæ post hanc meditationem, Cælum noctè vel die intueri, & cum S. Ignatio dicere: *Eheu! quàm sordet mihi terra, dum Cælum aspicio.* Non ità Lutherus, qui ob enormia sua flagitia beatissimam illam Cæli Reginam spe ingrediendi abjecta, illud quidem nocte serenâ etiam subinde contemplabatur, sed ingemiscebat: *Heu! qualem Patriam perdidisti Martine.*

28. Denique ultima contemplatio amœnissima sanè atque deliciosissima, quæ est de amore DEI, in amplexum dulcissimum DEI optimi maximi deducit animam, eamque conjungit per amorem,

rem, ultimo fini suo, qui est summum & infinitum bonum, DEUS intimè possessus. In quo statim ars mira elucet S. Ignatii, initium Exercitiorum cum fine, pulcherrimò artificiò unientis, & fundamentum vitæ piæ fastigiò amoris DEI & charitatis, veluti opere supremò coronantis; in quo altissima Religionis Christianæ atque perfectionis celsitudo subsistit. Hæc meditatio animam solatijs cælestibus redundantem, abire sin- nit ex solitudine Exercitiorum spiritualium. Multi fuère, qui ægrè admodum passi sunt avelli se à liquidissima dulcedine hujus vitæ spiritualis, cupientes tam beatæ navigationis suæ initium facere, dum vela contrahere in portu debent. Plerique omnes, maximo cum gaudio, animique tranquillitate, ac serenitate abscedunt, & novi homines, atque penitus diversi ab ijs qui intrârunt, revertuntur ad suos.

29. *Bartol.* Ità nimirum, ut bene obser-
ibidem. vat Bartolus, Exercitia spiritu-
 alia S. Ignatij præstant fideliter
 ea, quæ de ijs mox ab initio pro-
 mittit; *Præparare & disponere ani-*
mam ad tollendas affectiones omnes
malè ordinatas; & ijs sublatis, ad
querendam & inveniendam volun-
tatem DEI circa vitæ suæ institutio-
nem, & salutem animæ. Efficiunt
 autem hoc Exercitia ista beneficiò
 Methodiilius artificiosæ & planè
 divinæ, qua S. Ignatius meditatio-
 nes ipsas inter se se ad movendum
 aptissimè coordinavit, unamque
 alteri subordinavit, additis ijs do-
 cumentis & regulis, quibus accu-
 ratè observatis, quoddam mira-
 culum censerì potest, si quis in
 Exercitijs spiritualibus fru-
 ctum non obtineat à se
 desideratum.



CAPUT IX.

*Cur brevitatem & simplicitatem
señtetur in Exercitijs suis*
S. IGNATIUS?

QUisquis Exercitia spiritualia 30.
S. Ignatij legit, aut exper- *Suarez.*
tus est, observare potuit peculiare *rom. 4.*
studium brevitatis & claritatis in *de Re-*
materia meditationum propo- *lig. lib.*
nenda; & ideo primò aspectu con- *9. c. 6.*
temnere fortasse posset aliquis & *num. 1.*
simplicitatem & brevitatem totius
operis. Nam in meditationibus,
quæ in eo traduntur, brevissima
puncta ex Historia Evangelica,
aut ex consideratione vel compa-
ratione aliqua satis vulgari desum-
pta proponuntur; & quidem ver-
bis simplicibus, nihil fere adden-
do, quod ad ubertatem materiæ,
& ad unius horæ discursum & me-
ditationem viam aperiat.

Verum, etiam in hoc re- 31.
splendet pars magna divinæ il-

lius artis, ad quam in Exercitijs spiritualibus S. Ignatius non casu fortuito, sed ex instituto reduxit meditationes, paucis & brevibus punctis, omisâ multiplicatione conceptuum, discursuum & verborum, comprehensas. Neque Idcirco pretium amittunt, multoque minùs periculum subeunt contemptùs: alioquin etiam præstantissimum opus D. Cypriani de Exhortatione Martyrum, idcirco contemptui subjacere posset; in quo summa brevitæte, sola capitula dominica se attigisse fatetur; sed consilij sui rationem sapientissimam ponit in præfatione libri ejusdem inquit: *Ut non tam Tractatum meum tibi videar misisse, quàm materiam tractantibus tribuisse, quæ*

S. Cypri. res in usum singulis proficit utilitate an. lib. majore. Nam si consecutam & paratam jam vestem darem, vestis esset de Exhortat. mea, qua alius uteretur, & forsitan Martyr. non pro habitudine stature & corporis, res & alteri facta minus congruens

ens haberetur. Nunc verò de Agno, per quem redempti ac vivificati sumus, lanam ipsam & purpuram misisti; quam cum acceperis, tunicam acceperis, tunicam tibi pro voluntate conficias; & plus, ut in domestica tua atque in propria veste, letaberis; & ceteris quoque, ut & conficere ipsi pro arbitrio possint, quod misimus, exhibebis.

Simili consilio & motivo Ignatius est inductus ad studium brevitas, cuius rationem in Additionibus reddit his verbis: ut videlicet is, qui meditaturus est, acceptò veritatis historice primùm fundamentò discurrat, postea & ratiocinetur per se ipsum. Ità enim fiet, ut dum aliquid invenerit, quod elucidationem vel comprehensionem historice, aliquanto maiorem præbeat (sive ex discursu proprio, sive ex divine mentis illustratione id contingat) gustum delectabiliorem & uberiorem fructum percipiat, quàm si res ipsa ei ab altero diffusius narrata &

32.

Addit. 2

declarata esset. Non enim abundantia scientiæ, sed sensus & gustus interior desiderium animæ explere solet.

33. Consonat hæc ratio Ignatij, etiam illi, quam S. Cyprianus de illa sua brevitate subdit, inquit: *Nec non & illud consilium utile & salubre prospexi, in exhortatione tam necessaria amputandas esse verborum nostrorum moras & arditates, atque ambages sermonis humani subtrahendas; ponenda sola illa, quæ DEUS loquitur: & præcepta ipsa divina velut arma pugnantibus suggerenda sunt, inde aures erigantur, inde instruuntur mentes, inde & animi & corporis vires ad omnis passionis tolerantiam roborentur.*


34. Porro de simplicitate verborum, seu potius claritate, qua utitur in suis Exercitijs magnus in spiritu Magister Ignatius, eandem præcipiens ab alijs Magistris in spiritu servandam; illud dicent-

cendum videtur : eam esse notam sinceræ ac nudæ veritatis. Hôc pactô doctrinam suam mundo proposuit suprema sapientia, exuvijs humanæ carnis vestita : ità ejus Apostolus Paulus de se testatur inquiring : *Cum venissem ad vos Fra- 2. Cor. 2*
tres ; veni , non in sublimitate sermonis , aut sapientiæ , annuncians vobis testimonium Christi. Gloria Ignatij est , dicere posse cum eodem Apostolo , *sermo meus & prædicatio mea non in persuasibilibus humanæ sapientiæ verbis , sed in ostensione Spiritûs & virtutis ; ut fides vestra non sit in fide hominum , sed in virtute DEI.* Patere videlicet omnibus debet , ut omnibus prodesse possit doctrina , quæ omnium utilitati & saluti destinata est. Non minus enim serviendum esse putavit Ignatius indoctis , quàm doctis. Monet tamen , ut observat P. Suarez , habendam esse rationem personarum , quæ instruuntur. *Suarez ibid.*

tur, ut indoctis & rudioribus non
nulla via aperiatur ad materiæ u-
bertatem, & materia ipsa aliquan-
tulum digeratur, quantum satis
sit, ut unusquisque pro captu
suo circa illam discurrere
ac meditari
possit.



PARS



PARS II.

De fructu & dignitate Ex-
ercitiorum Spiritualium.

S. I G N A T I J
DE LOYOLA.

CAPUT I.

*Quos effectus Exercitia spiritu-
alia operari soleant in animis
hominum.*

Fructus atque effe- ^{35.}
ctus, qui ad usum Ex- ^{Rodri-}
ercitiorum consequi ^{quenz.}
solent plerumque ^{Tract. de}
sunt: primò, Vitæ ^{Or. e. 26}
preteritæ ac morum reformatio, ^{Direct.}
actionumque nostrarum ad genus ^{pro Ex-}
vitæ uniuscujusque propriæ spe- ^{ercit. spi-}
ritus. ^{rit. c. 1.}
^{n. 4. Lu-}
^{ctan-} ^{don. de}

*Ponte
intro-
duct. me-
dit. §. 5.*

stantium commutatio in melius. Secundò, est conscientiae pax & quies animae desideratissima, quæ oritur ex Confessione in Exercitijs, per exactam conscientiae discussionem, bene præparata & magno cum dolore ac detestatione peccatorum facta; ita ut nihil remaneat in animo; quod porro mentem remordeat; & in compositum relinquatur. Tertiò, lumen quodpiam interius & cognitio, qua mens dirigitur ad bonam gubernationem vitæ totius in quocunque statu. Quartò, Horror, & fuga omnis peccati & omnium peccandi occasionum; passionum quoque, potissimum autem illarum, quæ in unoquoque prædominantur, compressio atque subiectio.

36. Quintò : Victoria tentationum & difficultatum, quæ in vita nova & virtuosa occurrere solent, ad labefactandam perseverantiam. Sextò, magnanimitas

tas
run
uno
gau
da
ac
just
plac
Stat
Hæ
fer
tj
aliqu
men
jam
stus.
gifo
tic

tas & fortitudo ad tolerandas æ-
rumnas & calamitates hujus vitæ
undecunq; provenientes, nec non
gaudium in exequenda & imple-
nda fideliter sanctissima voluntate
ac lege DEI, cum magna fame
justitiæ & desiderio ampliùs Deo
placendi per omne genus virtutū,
Statui proprio congruentium.
Hæc & alia similia plura secum ad-
fert in domum suam, qui Exerci-
tijijs spiritualibus S. Ignatij per dies
aliquot se se excoluit, ut dicere
meritò possit cū Apostolo: *Vivo ego; Galat.
jam non ego, vivit verò in me Chri- 25.
stus.* Nunc mirabiles aliquas ma-
gisque notabiles animorum muta-
tiones, quas Exercitia spiritu-
alia causârunt in Exemplis
animus est intueri.



CAPUT II.

Primus Ignatius fractum Exercitiorum spiritualium magna sui mutatione fuit expertus.

37. **I**Nteriora Philosophiæ Cælestis
Orlan- ingressus Ignatius, exercere se
di c. 1. coepit meditationibus ijs, quas in
Histor. Exercitiorum spiritualium libello
Societ. digessit. Has ille magnô suô bonô
n. 23. primus expertus; ratus id quod e-
 rat, eandem quoque vim in cæte-
 ris habituras; subinde ad aliorum
 adhibere salutem & vitæ discipli-
 nam instituit, tam illustri commu-
 tatione: ut nihil illis videretur,
 sive ad eligendum vitæ genus, sive
 ad confirmandos mores, appeti-
 tionésque sedandas, sive ad reti-
 nendam in præclaris animi nostri
 decretis, institutisque constanti-
 am excogitari potuisse præstan-
 tius.

38. Inter has meditationes in
 amorem præcipuè CHRISTI
 Do-

Domini immensum exardescens ,
quidque ille egisset causâ nostrâ ,
quid æquum esset conari nos in e-
jus obsequium , animô versans ;
cùm ei se totum ac penitus cupe-
ret mancipare , & invenire quem-
admodùm & ubi rem posset quàm
gratissimam facere ; & cuncta cir-
cumspiciens cognovit , obsequium
Salvatori non posse impendi uf-
quam acceptius , quàm in divina
gloria procuranda per salutem a-
nimarum , pro qua scilicet ad ter-
ras venisset ; ad quam , quidquid
egerat , quidquid dixerat , quid-
quid ad mortem usque durissimam
tulerat , retulisset , ad eam curam
protinus ferebatur.

Et quia proponebat sibi 39.
Christum JESUM veluti Re-
gem , justô præditum imperiô ,
fortem ac generosum , & moribus
svavissimis , qui ad pium bellum
non alia invitaret conditione po-
pulares suos , quàm ut commodis
ijsdem & incommodis uterentur
men-

mensæ, lecti, laborum, periculorum, quibus ipsum uti Regem viderent; optimè hinc argumens, ex una parte non posse militibus ista conditione optabiliorum, honestiorémve proponi; nec sanè dignum aut militum aut hominum numerò, qui Rege ejusmodi, piam ad expeditionem sic invitante, non evolveret ad signa; ex altera verò parte, pauperem, eúmque cruce præeuntem Christum Ducem intuens, & audiens vocem, *Si quis vult post me venire, abneget semetipsum, & tollat crucem suam, & sequatur me.* Totus in Sanctum id genus belli, totus in studium animarum, totus in ærumnarum, paupertatis, & cruciatuum omnium cupiditatem exardescibat, ut strenuè ac legitimè sub tali duce militaret, erubescens non sequi præeuntem: & meliorem, quàm sibi Dux assumeret, conditionem pati.

Math.
16.

Ex hoc fonte, quæ gessit
to-

totâ vitâ pro salute animarum, quæque perpeſſus eſt, & multò plura quæ cupivit perpeti; ex eodem ſociorum adlectio, inter quos magni illius Indiarum in orbe novo, Apoſtoli Franciſci Xaverij converſio; hinc denique Societatis Univerſæ inſtitutio, atque propagatio emanavit. Congruum enim verò erat, ut primus ipſe uberes in ſe ipſo legeret primitias eorum fructuum, quos arcanò magiſterio per orbem univerſum, cæleſti quadam ſæcunditate, in animis mortalium aliquando erat diſſeminaturus.

CAPUT III.

Notabilis mutatio cujuſdam Religioſi, per Exercitia ſpiritualia S. Ignatiij obtenta.

NON eſt animus hîc recenſere, plurimos ex hominibus noſtræ Societatis, præſertim primis temporibus, qui per Exercitia

41.

Direct.

Proem.

num. 7.

tia

tia spiritualia gratiam suæ vocatio-
nis acceperunt, aut etiam eos, qui
relictô mundô alios ordines Reli-
giosos ingressi sunt: aut multos il-
los, qui jam ingressi, egregiè re-
formati sunt; nec singuli tantum,
sed sæpè integra cænobia: hæc e-
nim omnia brevitatis causâ præ-
terire libet. Satis nobis hic erit
ostendere imposterum, ut in om-
ni statu ac Ordine tum Religioso
tum Ecclesiastico, tum etiam sæ-
culari magna per Exercitia spiritu-
alia inducta fuerit morum ac vitæ
Renovatio, Conscientiarum com-
positio & virtutum instaurationis.

42. Refert Pater Joannes Ste-
Joann. phanus Menochius ex vita Patris
Menor. Francisci de Villanova Societatis
p. 4. JESU, conscripta per Patrem Eu-
Histor. sebiū Nirenbergium, quæ in
Cent. 3. Collegio nostro Alcalæ in Hispania
cap. 8. servatur, de Religioso Cænobij
 Tendiliani, ex ordine Sancti Hiero-
 nymi, cui nomen erat Petrus
 de Aragonia. Voluit ille spiritus
 ali-

alibus Exercitijs Sancti Patris per dies aliquot excoli à Patre Francisco de Villanova Directore, viro eximiæ virtutis, prudentiæ, & magnæ in loquendo de rebus divinis efficaciam: quod etiam cum insigni lætitia mentis obtinuit & absolvit. Reversus in Cænobium, magnò studiò adnissus est, alijs quoque Patribus beatam hanc diem aliquot solitudinem, cum tanto fœnore, quantum ipse fuerat expertus, persuadere. Sed cum plerique Patrum id renuerent, eò tandem inclinavit omnes; ut ex communi consilio & svasione, mitteretur Alcalam ad Patrem de Villanova Frater quidam laicus, ejusdem cænobij Religiosus conversus, ædificationis exiguæ, natura ferox, magnus staturâ, barbâ horridus, militi potius, quàm Religioso persimilis. Deliberatum quidem aliquando fuit à Patribus, quonam pacto Religionem ab homine incorrigibili
& per-

& permolesto liberarent ; Sed quod obtabant, efficere non poterant, tum ob sanguinis & Prosapix claritatem, tum ob donatam canobio bonorum suorum portionem; denique ob metum vehementis atque indomiti genij.

43. Et quantumlibet in sententiam Aragonij omnes tandem proni consenserint, plerique tamen propter exiguam spem emendationis obtinendæ, diffidebant consilio; Plurimum autem confidebat Aragonius tum in efficacia Exercitiorum spiritualium, tum in dexteritate religiosissima P. Francisci de Villanova: & imprimis in virtute admirabili gratiæ divinæ, quam DEUS liberalissimè solet elargiri in Exercitijs spiritualibus.

44. Mirâ ergo felicitate atque facilitate Aragonius induxit hominem prædurum, ut se se Alcalâ conferret, ad laudatissimum virum P. Franciscum de Villanova, ab eo spiri-
tu-

tualibus Exercitijs excoli postulaturus. Rem jocosè & curiosè magis quam animò seriò accepit audiens ; iter tamen ingressus est conversus ille; & si fortè aliqui per viam occurerent noti, ijs per derisum & contemptum dictitabat, se Alcalam mitti ad faciendum, nescio quem diabolum (inquebat ille) Exercitiorum. Jamque ad januam Collegij mulæ insidens, famulo comitante subsistens, Rectorem Collegij protinus acciri jubet: accurit P. De Villa nova illius Collegij tunc Rector, habitu, uti aliàs in usu habebat, indutus pauperrimò, tum verò cæmenti maculis hinc inde respersò, ab opera in fabricando Collegio cæmentarijs præstita, in qua exercendæ humilitatis, & sui despiciendi amore, non sinè voluptate se se occupabat.

Ut Rectorem hunc esse intellexit, eum feroci oculo tantisper intuitus, mox indignabundus

dus & submurmurans quidpiam, cum sua mula se à collegio vertit, ad cœnobium suū reversurus. Sed Rector apprehensô frœnô, placidè, humanitèrque sessorem alloquens, magnis tandem precibus obtinuit, ut post molestum iter, modicam admitteret virium refectiōem : qua durante passus est Rectorem sibi assistere, & nonnulla de rebus divinis loquentem, non tam ferocibus oculis ac priùs cœpit intueri. Nihilominus absolutâ refectiōe urgebat abitum; sed instantibus precibus, blandimentisque humanissimis Rectoris, sole jam in occasum properante, quietem etiam nocturnam in Collegio sibi oblatam admisit.

46. Rector, eâ temporis opportunitate utendum sibi esse ratus, uberius de rebus cœlestibus, divinâ juvante gratiâ differebat, adeò, ut tandem hospes ille suâ sponte à Patre de Villanova Rectore, spiritualia S. Ignatij Exercitia
- sibi

sibi tradi expetiverit, quod etiam
 haud difficulter obtinuit. Illic er-
 go per dies omnino viginti & u-
 num, in meditationibus primæ
 duntaxat hebdomadæ; quæ de pec-
 catis est, se se exercuit. Intereâ
 mirabilis gratiæ divinæ vis prædu-
 rum hominis cor, atque ab omni
 correctione alienum, adeò emol-
 livit & immutavit, ut totos illos
 dies transegerit, aliud ferme non
 agendo, quàm lachrimis copio-
 sis, asperisq; pœnitentijs, & ge-
 mitibus continuis antea actam de-
 testando ac deplorando vitam.

Redux postea in Cænobium 47.
 totus novus & planè diversus
 à se ipso quàm abierat, exem-
 plò vitæ suæ ad normam religi-
 osæ virtutis compositæ, qua om-
 nibus fuit admirationi; illud etiam
 effecit; ut post dies non multos,
 Religiosi cæteri illius Cænobij sta-
 tuerint Alcalam proficisci, ani-
 morum per Exercitia spiritualia,
 in Collegio Societatis renovando-

rum gratiâ. Primus propositum suum executioni mandavit, Vir à munere Visitatoris in illa Religione cum laude obito, autoritate atque ætate multum illustris, annos Religionis numerans quinquaginta. Hunc postea secuti sunt reliqui omnes; & quia tenuitas reddituum & Collegij angustia, neque alere, neque capere poterant omnes simul; bini & bini ad scholam sanctam veniebant, & revertebantur cum exultatione portantes manipulos suos consolationum & fructuum spiritualium.

CAPUT IV.

Alia non minùs admirabilis mutatio in viro Ecclesiastico.

48.
Orlan-
din. l. 2
Histor.
Societ.
s. 70.

ANno 1539. Prima Societatis Missio, Senas, quæ Urbs Italiae in Hetruria nobilis est, expedita fuit ab Ignatio Fundatore novæ suæ militiæ, ubi fructus præ-

stan-

stantissimos per Exercitia spiritua-
 lia Bonitas Divina operabatur:
 quos inter, ut magis insignis, est
 ille, quem refert scriptor hystoriæ
 Societatis JESU, Orlandinus, de
 sacerdote, qui scenica levitate ur-
 be illâ totâ notissimus, scribebat
 ingeniosè Comœdias, non ad mo-
 res populi corrigendos, sed ad
 captandos risus, aurêsq̃ue pascen-
 das. Sacerdotalis dignitatis obli-
 tus, semet in Theatrum sæpe da-
 bat, Mimum abjecto pudore a-
 gens, tanto nequior actor, quan-
 to Poëta præstantior. Inductus
 est ad Exercitia spiritualia facien-
 da, & inter exercendum, oborta
 de Cælo luce, pudor redijt, & se-
 metipsum erubuit adeò, ut odiò
 sui, rationem excogitaverit, quem-
 admodum & se se ob priores casti-
 garet insanias, & offensæ multi-
 tudini satisfaceret.

Statuit igitur, injecto cer- 49.
 vicibus fune, in frequentissi-
 mum venire templum, & inspe-

stante populo stratus humi, delicti veniam suppliciter exorare. Hôc cum Patribus Societatis communicatô consiliô, auctores ei fuere Patres, nè rem aggredetur inconsultô Vicariô: si is annueret, ad ipsos rediret ultimum responsum auditurus. Non potuit à Deo datam mentem non probare Vicarius, ut quod corruperant exempla nequitiae, pœnitentia resarciret. Quare magnô animô redit ad Patres; qui ad Urbis Concionatorem è Franciscana Familia hominem mittunt, ut dum ille ad populum verba faceret, priusquam concionem dimitteret, si ità ipsi visum esset, juberet populum expectare tantisper, ac tum demum suggestum peteret, & quæ ad petendam veniam facerent, ea verbis supplicibus, & ardentissimis promeret.

50. Ut in sacro illo suggestu Scenicus Sacerdos apparuit, jamque alia in scena alium gestum agebat, su-

suspensa de collo reste, ore exsangui, dejectis in terram luminibus, totóque vultu ad modestiam humilitatémque composito, excussit illico multitudini lacrimas. Valuitque nova illa persona non minus ad farciendos mores Christianos, quàm paulò ante Mimica illa ad depravandos: multóque plus universam concionem verè poenitentis aspectus, quàm prioris Concionatoris permovit Oratio.

Is postea summis à Societate 51. Votis, & inflammata voluntate contendit, ut in novam hanc familiam, quæ tam firma præsidia haberet ad permovenda pectora, adlegeretur: sed cùm longioris deliberationis consilii que res esset, moræ impatiens, ad PP. Capucinos transijt, ubi reliquam vitam in summâ Religione traduxit, multò utique lætior, horridò illò contemptoque sacco, morte appropinquante, quàm si in molli & vano perseverasset habitu. Quis

tam eloquens potuisset Orator, aut tam acer, ardēnsque Concionator id homini dissoluto persuadere, quod spiritualis illa exercitatio persuasit? Prorsus fatendum est, nihil hōc præsidiō valentius ad sanandos animi morbos, & hominum ingenia in melius permutanda.

CAPUT V.

De alio Sacerdote; de Viro Illustri, ac de Nobili Juvene per Exercitia spirituali ad frugem revocatis.

52.
Riba-
den. in
Vita S.
Ignat. l.
f. c. 10.

DUO stratagemata hic occurrunt memoriæ, quibus S. Ignatius felicissimè induxit geminas personas ad usum Exercitiorum, cum admirabili fructu utriusque: his addemus tertium, Juvenem Nobilem, sed ferum atq; indomitum; tandem per Exercitia spiritualia mirum in modum mansuefactum. Primum accidit Luteriæ Parisiorum in ædibus cu-
jus-

juspam Doctoris Theologi egregii, de quo scribit Ribadeneira. Hunc Ignatius cupiebat Christo lucrifacere, sed multis rebus frustrà tentatis, ipsum aliquando uno socio comitatus domi suæ convenit; animum relaxantem, & se se honesto quodam lusu oblectantem offendit. Erat autem lusus globulorum eburneorum, qui super mensam certa quadam ratione, certisque legibus jaciuntur: & ille sive ut laxamento suo forte prætexeret excusationem, sive ut honorem exhiberet Ignatio, suamque animi voluptatem augeret; opportunè, inquit, Ignati advenis, ut una mecum ludas. Negavit Ignatius se lusûs illius consuetudinem habere aut artem. Ille perhumaniter invitare, instare, urgere atque efflagitare, ut unâ ludat animi causâ.

Cum porrò molestus esset 53.
eximius Doctor, & vim propemodum asferret hospiti, nul-

lam admittens excusationem ; Ignatius, stimulari se se in corde sensit ad acceptandum lusum : ludam, inquit, tecum Domine, sed serio, lucrandi gratiâ : ea videlicet conditione, ut si vincar, aliquid tui causâ faciam : alijs quippe rebus omnibus destitutus & pauper, me ipsum tibi expono. Si autem victor sim ego, tu vicissim meâ quidpiam facias causâ. Placuit conditio ; & itâ convenit inter illos, ut victus triginta dies Victoris iussa faceret, & ad voluntatem illius honesta imperantis se accommodaret. Ludit Ignatius, rudis, novus & inexpertus ; neque enim globulos unquam antehac in manus sumpserat ; & itâ ludit, ut Doctorem sursum deorsum versaret, neque unquam in mensa consistere, vel unam manum lucrari pateretur : ad quem Ignatij socius identidem dicebat : Domine, Doctor, digitus DEI est hic.

manus Ignatio, agnoscens lufum iftum fuiſſe divinæ Providentiæ, quæ non obſcurè indicabat, eum vinci velle ab Ignatio magnò perdentis lucrò. Ignatius verò hominem hortatus eſt, ut ſe ſe ad tempus colligeret, & per dies triginta vacaret ſibi, ſuæque ſalutis æternæ negotio, exercitationibus ſpiritualibus (alijs curis abjectis) ſe penitus dederet; quod & fecit per menſem integrum, tales ac tantas inter conſolationes, quales & quantas in vita ſua expertus eſt nunquam. Benedicebat diem illum ſibi fortunatiſſimum, quo luſum perdiderat, quia melius vincere non poterat, lucrò etiam montium aureorum. Quæ omnia poſteà vulgata in Urbe frequentiſſima, permagnam inter homines cauſabant admirationem, tum ob Viri in meliora mutationem, tum ob Exercitiorum ſpiritualium efficaciam.

Verùm ſi in priori eventu 55.

*Ribade-
neira
bidem.*

videri potest, quod praeda seipsam projecerit in retia; in altero sanè, mirà inventione, allici debuit à Zelo ingenioso Ignatij. Erat in eadem Urbe Parisiorum quidam Sacerdos dignitate, Professione Religiosus; vità profanus ac perditus; Ignatio verò propter morum dissimilitudinem maximè infestus. Ad eum curandum sanandúmque Ignatius, omnes sibi aditus vidit occlusos: quid enim, adire hominem fraternæ correctionis gratia? vidisset illum utique frementem, in Laicum ignorantem & lacerum, qui auderet corripere sacerdotem, qualis iste erat. Hanc itaque rationem excogitavit. Dominico quodam die ad sanctissimum Christi Corpus sumendum de more profectus, quòd propè templum habitaret, ubi Eucharistiam sumere volebat, bene manè ad hominem divertit: rogavitque ut quoniam Confessarium alium non haberet

ad

ad manum, sibi peccata sua confitenti operam daret.

Ille exhorruit primùm Ignatij præsentiam? dein multò magis, quòd id peteret, miratus est: postremò dedit, quod honestè negare non poterat. In Confessione Ignatius postquam quotidiana & leviora errata exposuit, addidit, se etiam quædam vitæ præteritæ crimina, quorum stimulis maximè urgeretur, aperire velle, ut eorum recordatione salubri pudore suffusus, veniam à DEO faciliùs impetraret. Hic cœpit delicta juventutis suæ, & ignorantias recensere, tanto dolore ac gemitu, tam profusis lacrymis, ut suo fletu flere hominem cogeret, vehementerque conpungeret. Expendebat enim verò judiciò, ac magno verborum & sententiarum pondere exaggerabat, quanta DEI esset, quem offenderat, Majestas, Bonitasque, quanta vicissim sui ipsius vilitas at-

que abjectio : quanta illius liberalitas & mansuetudo ; quanta ipsius ingrati animi oblivio , & in tam benignum Dominum scelus : prorumpebátque Ignatius in lachrymas , & intimum doloris sensum deficientibus verbis explicare non poterat.

57. Quid multa ? Cùm in vita præterita Ignatij , Sacerdos vitam suam præsentem quasique suis coloribus expectam cerneret , & alieno ex dolore , eoque gravissimo sibi propter majorem causam , vehementius etiam dolendum intelligeret ; ita commutatus , ut quem prius detestabatur , admirari Ignatium inciperet , vitamque suam detestari , cujus sordibus hactenus impensè delectabatur. Itaque navigationis cursu in contraria mutato , vela vertit ; peteretque non dubitavit ab Ignatio , si quod haberet , subsidium ad vitæ suæ , quam exponebat , correctionem. Indicabat ille , quasdam se ha-

habere considerationes, quibus animum suum ad poenitentiam & morum mutationem induceret; quas cum ille expetisset, etiam in Exercitia spiritualia consentiens, in retia venit feliciter.

Inchoavit ea, cum quodam tædio, & sapore spirituali modico, sed prosequeretur ea cum talibus animæ suæ delicijs, ut protestatus fuerit, se nunquam tantas expertum fuisse in sensualibus suis oblationibus; alios demum esse longè sublimiores sapes rerum divinarum, quàm sint illi, qui in hac misera terra reperiuntur. Denique sacris exercitationibus ab Ignatio eruditus, totum se se sacris peregrinationibus, ac poenitentiae asperitatibus penitus dedit, vitamque & Sacerdote & Religioso homine dignam ità instituit, ut sui Ordinis viris admirationi æquè esset ac exemplo. Certè ipse quasi suæ salutis authorem Ignatium ac vitæ Parentem, semper

per deinceps coluit ac dilexit, id-
que apertè non destitit predicare.

59. Non minor ferè mutatio mo-
Orlan- rum videri potest in Juvene è no-
din l. 7. bilissima stirpe progenito, de quo
Hist. So- refert sequentia Orlandinus :
cies. n. Dum Messanæ in Sicilia Societas
21. ad per Missionarios suos animarum
ann. salutis se se impenderet strenuè, &
1647. compluribus per sacerdotem ex-
 ternum, pijs jam meditationibus
 institutum, prospiceret, earum-
 que præsidio magnas in animis
 commutationes faceret, memo-
 riâ dignus est, Nobilis Juvenis,
 Baronis Filius; quem cum fran-
 gere, atque edomare severitas pa-
 terna non posset, tres in triremi
 menses inter mancipiorum quis-
 quilias facemque continuit. Hic
 ut in Domeneci Societatis nostræ
 Sacerdotis manus incidit, secessu
 & Exercitijs spiritalibus pauco-
 rum dierum ita ferociam depo-
 suit, ut mox domesticis suis reddi-
 tus fuerit mansuetus agnus; fi-
 dem-

démque Parentibus , fecit , quanto sit ad frænandam liberorum insolentiam orationis mentalis exercitatio præstantior , quàm aut servitus ignominiosa triremium , aut dedecora verberum & probra virgarum.

CAPUT VI.

*Qualia emolumenta è Spiritualibus
Exercitijs perceperint Viri à Do-
ctrina , rebus gestis & di-
gnitatibus Clari.*

PAUCISSIMA , è plurimis affero 60.
ex hoc rerum genere. Scribit in pervetustis memorijs suis P. *Bartol.*
Didacus Mironius , illud admiratione dignum , quòd Viri in subli- *l. 1. Vi-*
mi scientia excellentes & famosi *ta S. Ig-*
Theologi , qui priùs vel contem- *natij n.*
nebant , vel impugnabant Exer- *18.*
citia spiritualia ; & quamvis nihil
ignorarent eorum , quæ in eis con-
tinebantur : nihilotamen minus
ubi ad eorum usum & praxim ani-
mos

mos ampliuere, subito mutatâ & damnatâ priori sententiâ suâ, palam fateri non dubitaverint, sed tum primum incipere Theologos esse, cognoscereque tandem, quid sapientiæ sibi deesset post longas à Cathedris Prælectiones, voluminum interpretationes, innumerâsque de subtilitatibus disputationes.

61. Ex horum numero erat ille Petrus Ortiz, qui Caroli V. causas & negotia in Curia Romana tractabat apud Pontificem, & jam multo ante unus è celebrioribus Academiæ Parisiensis Doctoribus. Hic Vir cognitô fructu, quem Eminentissimus Cardinalis Contarinus collegit ex Exercitijs spiritualibus; cum æstimatione eorundem, ut tantus Princeps, & in supremo Ecclesiæ Tribunali Senator purpuratus, manu propriâ librum Exercitiorum, in usum proprium, deinde in donum familiæ suæ, velut singulare decus
84 or-

& ornamentum ; describere voluerit : & etiam ipse in animo suo statuit eorum in se virtutem experiri. Et nè à negotijs publicis interPELLARETUR , ad celebre Claustrum D. Benedicti in MonteCassino situm secessit cum B. Ignatio ; ubi primùm oculos aperuit in prima de Fundamento meditatione , quasi alium in mundum veniens , per totam illam quadraginta dierum seriem , quibus exerceri voluit , alibi quàm in terra visus est sibi commorari. Elapsis verò diebus quadraginta lætabatur , quod intrà dies tam paucos tanta condiderit veræ sapientiæ arcana , ad quæ per tot annos Cathedræ Sorbonicæ non pervenerat : dolebat autem ; quòd tam serò.

Memorable quoque illud est, 62.
quòd Joannes Cochleus, Vir ma- *Bartol.*
gnæ sapientiæ , Theologus Regis *ibid.*
Romanorum in Conventu Ratis-
bonensi , & Orbi literato notissi-
mus, tum ab editis in lucem ope-
ri-

ribus eruditissimis, tum à multipli-
ci è conflictibus contra Luthe-
rum susceptis, gloriosâ victoriâ
semper reportata, in commenda-
tionem Exercitiorum spiritualium
S. Ignatij fecit & pronunciavit.
Habitô enim colloquiô cum P. Pe-
tro Fabro de vi & efficacia Exer-
citorum; &, ut erat vir acri ju-
diciô, agnito admirabili, quod in
ijs deprehenderat, magisteriô;
vultu ad lætitiâ serenato, eleva-
tisque in Cœlum oculis, festive
exclamavit: *Gaudeo, quòd tandem
inveniantur Magistri circa affectus.*
Et cum primum per negotia li-
cuit, ijs peractis, ità se compara-
tum invênit, ut parum ei videretur;
magnam illam efficaciam &
vim expertum fuisse in semetipso;
nisi alijs quoque eam contulisset,
tradendo Exercitia spiritualia E-
piscopis, Theologisque permul-
tis; hœc pactô intrâ temporis mo-
dicum spatium in cœlesti hac sa-
pien-

piencia & discipulus factus & Magister admodum Zelofus.

Unum adhuc præterire non 63.
possum S. Caroli Borromæi in Exercitijs spiritualibus se se excolendi studium. Profitebatur sanctissimus Princeps, primum ad ingrediendum vitæ Apostolicæ iter, præsidium ab Exercitijs in se derivatum esse. Dum enim Juvenis adhuc, & jam dignitate Cardinalitia fulgens, & Nepos Papæ viventis, secessisset in Domum Professorum Societatis Romæ, prima vice spiritualia Exercitia peracturus; ijs absolutis, in usu deinceps immutabili habuit annis singulis semel aut bis eadem recolere. Hinc ortum habuit saluberrimum decretum, quod in quadam synodo sancire voluit, nè ullus ad sacros ordines subdiaconatûs & Presbyteratûs promoveretur, qui ante susceptionem horum Ordinum in secessu dierum aliquot, instructus non esset meditationibus

bus primæ saltem hebdomadæ Exercitiorum S. Ignatij.

64. Denique cū fructus & effectus, omnes tantum notabiliore, edicere volentes, nimis prolixam faceremus narrationem; universim loquendo, sufficiat nosse quod alij ex meditatione de inferno proruperint in clamores & vociferationes, stultos appellando mortales, quod priusquam ingre-
diantur post mortem vivi, cognoscant locum tormentorum & habitationem æternam damnatorum, ex qua nulla est redemptio; tamen sponte suâ se in tantos cruciatus præcipitent. Alij non solum aliena voluerunt restituere bona, sed etiam proprijs se spoliare, & ea dare pauperibus, usque ad voluntariam nuditatem. Alij offensas gravissimas condonare; imò pacem obstinatè prius negatam petentibus, expetere ab offensoribus: flammis dare scientiarum humanarum codices, qui tot
an-

annis cerebrum atque ingenium inutiliter excruciabant; nec alium post hac nosse velle quam Christum Crucifixum; & plura hujusmodi, videri possunt apud Bartolum & alios.

CAPUT VII.

Quantopere juvet ad vitæ mutationem, sola in loco secreto peccatorum consideratio.

IN Confirmationem supradictorum effectuum saluberrimorum, quos producere solent in animis Exercitia spiritualia; accedit, quòd etiam sola, in loco à tumultu negotiorum & aliarum occupationum separato, ponderatio peccatorum, virtute polleat admirabili ad permovendos mortales ad eorum detestationem & morum pulcherrimam mutationem: ut ità mirum non sit, quòd Deus talia operetur in secessu Exercitiorum spiritualium S. Ignacij,

tij, in quibus non quæcunque sterilis ac rudis est solitudo, sed illa quæ certis legibus instructa, & meditationum serie atque ordine pulcherrimo per specialem industriam adaptata est, ad commovenda hominum corda. Ostendit hoc ars gratiosa, cujus ope S. Thomas de Villanova quempiam suorum Canonicorum è via mala traduxit in bonam. Rem totam narrat Menochius noster; eamque de-

Fr. Mi- sumit ex Vita B: Thomæ conscri-
cha. Sa- pra à Fr. Michaële Salone ordinis
lon. in D. Augustini.
Vita B.

66. Beatus hic Archi-Episcopus
Thom. Thomas sæpe commonefecerat
deVilla- Canonicum illum vitæ dissolutæ,
nova l ut ità eum ad ejus correctionem
2. c. 11. induceret. Sed frustra. Quare
Me- illud apud se statuit, ut hominem
noch. p. amore atque amicitia lucraretur;
1. Hist. & idcirco spatiò duorum anno-
cent. 1. rum tot & tantis beneficijs, gratijs
c. 30. & favoribus eum cumulavit, ut
 tandem inter maximè caros fami-
 lia-

liares esse videretur apud B. Archi-Episcopum ; qui obligatâ sibi hâc pactô voluntate Canonici, secretô alloquiô aperuit ei fiduciam suam, qua non dubitabat, quin sibi præstare vellet, dum posset, si quid ab eo postularet ; Canonicus verò animum ad omnia promptum obsequia exhibebat. Tum Archi-Episcopus aperit consilium suum de negotio quodam Romano ; cujus tandem absolvendi magnô se teneri desiderîo dicebat ; & addebat ; quamvis alij apud Curiam Romanam degentes non desint obnoxij mihi, quorum operâ uti possim ad terminandum illud ; majoris tamen de successu optato securitatis causâ, gratum & expediens mihi foret, si tu ipse ad tractandum illud proficisceris in Urbem. Agebat autem sollicitè S. Præsul tempore illo in Romana Curia pro obtinendo Brevi, ut vocant, Pontificio, ad restaurandam cujuspiam monasterij Sancti.

D

mo-

monialium clausuram. Attonitus primum ad tantam animi in se confidentis Archi-Episcopi sinceritatem Canonicus; tum perlibenter & honorem admittit, & Provinciam sibi delatam assumit.

67. Jubetur itaque ad Archi-Episcopo, negotia sua domestica omnia ritè disponere atque ordinare, non secus quàm si moriturus esset, propter longitudinem & pericula itineris assumendi, quibus omnibus rectè compositis, moneret Archi-Episcopum de legitimo statu omnium rerum suarum. De his certior factus Archi-Episcopus, plenè jam ad iter paratum, sub vesperam ad se venire jubet Canonicum pro extrèma instructione capeßenda, negotio bene gerendo servitura; ac demum ad cœnam & quietem apud se capiendam nocte illa invitat, manè cum aurora discessurum: vetat tamen nè ullum è familiaribus suis conducirer secum, spondens se

se tum de hominibus, tum de alijs, quæ ad tale iter necessaria videbuntur, liberaliter provisurum, atque diluculô corroboraturum sanctissimo Christi corpore ad iter subeundum.

Canonicus in omnibus morem gerens Pastori suo, vespere illo extremum valedicit notis & amicis, atque ad cœnandum & quiescendum comparet in ædibus Archi - Episcopalis. Interea S. Præsul, non tam de negotio suo, quàm de correctione Canonici sollicitus, majorem noctis partem cum DEO in oratione traduxit. Apropinquante aurorâ, accedit Canonicum, eique indicat, momenti rem maximi adhuc ordinandam restare; res tuas, inquit, domesticas sapienter ut moriturus disposuisti, sed conscientiam, peccatorum Confessione, non dum expiasti, quod tamen præprimis est necessarium atque minimè prætereundum, priusquam tanto

68.

itineri te commissurus, Corpore Christi reficiaris. Tempus adeò breve non est, ut protrahi nequeat, negotium meum, quod differri patietur etiam ad mensem: Tibi autem domum reverti atque in Civitate comparere, vulgatâ jam de tuo habitu famâ indecorum est. Quapropter continebis te uno isto mense in conclavi hoc, nemine consciò, præter servum unum probatæ fidei, qui tibi erit ab obsequijs, secreti etiam lege obstrictus; interea rumore de profectiõne tua dissimulato & permisso, tu in solitudine ista animam tuam seriò inspicere, & in examen revoca, confessionem ut Nobilem Christianum, & probum Ecclesiasticum decet facturum ei, qui animo tuo magis arridebit, Sacerdoti legitimo; & tandem die aliquo tempestivè sanctissimò Eucharistiæ Sacramentò in Oratorio nostro Domestico, te reficiam, dimittamque cum Benedictione Cœlesti.

Hæc omnia tanquam verba spiritûs sancti ad cor loquentis, prout re ipsa per gratiam suam loquebatur, tacitus audiit atque admisit Canonicus; qui mense uno jam elapso promissa cum implevisset, & conscientiam Confessione sacramentali ritè eluisset; persuasus tamen à Confessario, alterum ut adhuc mensem in ea solitudine, quæ jam amabilis facta est, perseveraret; & impositas pro delictis commissis poenas interim subiret. Finito jam altero quoque mense, significat B. Thomas Canonico suo, profectionem adhuc differendam esse, atque Literas Romanas (quod re ipsa erat) expectandas, negotium suum concernentes; quibus allatis, nec diu emanere valentibus, tum demum abiturum. Quæ omnia tranquillo & lubenti animo admisit Canonicus operante utique in anima jam à peccati servitute, liberata, DEO per gratiam suam: atque

ità universim sex mensibus in domestica illa apud B. Præsulem Eremo, atque solitudine saluberrima, velut in quodam Paradisi compendio perseveranter se continuit atque excoluit, in deplo-
randis vitæ suæ præteritæ culpis, animam veræ pœnitentiæ actibus emundando, nec non DEO suo, à quo recesserat prius, se se per vitam novam conjungendo.

70.

Interea, divinâ factum est Providentiâ, ut neque profectio Romana jam necessaria, neque litteræ Romanæ expectandæ essent; quandoquidem intrâ illud sex mensium intervallum, quo Canonicus ad conversionem vitæ melioris à D. Thoma in ea solitudine reducebatur, negotium totum in Urbe ritè confectum, & Breve Apostolicum, quod desiderabatur, feliciter obtentum atque allatum est. De quibus omnibus à B. Archi-Episcopo edoctus Canonicus, à profectioe Romana
su

simul & à solitudine absolutus est, editâ sub Vesperum famâ de reditu felici ex Urbe Domini Canonici, negotijsque subinde ab eo optimè gestis. Manè altero domum suam repetijt Canonicus, vitæ à priori penitus diversæ, non solum ad vitia præterita reversus nunquam, sed exemplis optimis aliisque quoque in odorem suavitatis, maximâ totius Urbis ædificatione, attrahebat. Tantum valet feria incorrectæ vitæ in solitudine cordis inspectio atque consideratio.

CAPUT VIII.

Exercitia spiritualia à summis Viris, & à Sancta Sede Apostolica laudantur & comprobantur.

Tanta ergo utilitate ubique in omnes emanante ex spiritualibus Exercitijs, plurimi ea typis vulgari, atque approbatione & authoritate Sanctæ Sedis Apo-

stolicæ muniri & fulciri, Boni omnes desiderabant ardentissimè. Quod ipsum Franciscus de Borgia, Gandiæ Dux, postea tertius Præpositus Generalis Societatis JESU, ac tandem in Sanctorum Catalogum relatus, magnò Zelò à Paulo III. Pontifice maximo, petivit & obtinuit. Itaque Sanctissimus Pontifex, duxit ea committenda viris à Virtute, sapientia, & peritia negotiorum gravissimorum tractandorum clarissimis; qui ea examinarent, suamque de illis ferrent sententiam. Inter hos primus fuit Eminentissimus Joannes Alvarus de Toletò, Ordinis Prædicatorum, Tituli S. Clementis Presbyter Cardinalis, Burgenfis Episcopus, ac hæreticæ pravitatis Inquisitor: cujus hæc fuit censura. *Legimus Spiritualia hæc Exercitia, placéntque nobis valde: & digna judicamus, quæ ab omnibus Orthodoxæ fidei Cultoribus recipiantur, & magni fiant.*

Alter erat Philippus Archintus Saluciarum Episcopus, summi Pontificis Romæ in spiritualibus Vicarius Generalis: ejus hic erat sensus: *Concedimus, ut opus hoc omni laude dignum & Christianæ Professioni valde proficuum imprimatur.* Tertius denique Fr. Ægidius Foscararius, sacri Palatii Apostolici Magister, hoc tulit judicium. *Cum nequeat subsistere diu Christiana Religio sine Exercitijs & meditationibus aliquibus spiritualibus (in meditatione enim, inquit Vates, exardescet anima mea), nullas arbitror magis opportunas his, quæ procul dubio ex scripturarum studijs & longo rerum usu natæ sunt.* Tum verò suprema Sedis Apostolicæ laus, approbatio, atque auctoritas addita est, qua Exercitia spiritualia omnibus commendantur hoc tenore.



PAULUS PAPA III.

Ad perpetuam rei memoriam.

73. **P**ASTORALIS Officij Cura, in universum Christi gregem nobis commissā & divinæ gloriæ ac laudis amor facit, ut ea, quæ salutem animarum & spiritualem earum profectum juvant, amplectentes, vota eorum, qui aliquid, quod fovere & nutrire pietatē in Christi fidelibus valeat, à nobis exposcunt, ad exauditionis gratiam admittamus. Cùm ergo (sicut dilectus filius, Nobilis vir, Franciscus de Borgia, Dux Gandiæ, nobis nuper exponi fecit) dilectus filius IGNATIUS de LOYOLA, Præpositus Generalis Societatis JESU, per Nos in alma Urbe nostrâ erectæ, & per nos auctoritate Apostolicâ confirmatæ; quædam Documenta, sive Exercitia spiritualia, ex sacris scripturis & vitæ spiritualis experimentis elicta, composuerit; & in ordinem, ad
piè

piè movendos fidelium animos
aptissimum redegerit ; illaq; Chri-
sti fidelibus , ad spiritualem con-
solationem & profectum, magno-
pere utilia & salubria esse, non so-
lùm famâ ex plurimis locis allatâ,
prædictus Franciscus Dux didice-
rit ; sed etiam experimento ma-
nifesto , cum Barcinone , tum Va-
lentia , tum Gandiæ , id compe-
pertum habuerit.

Quare idem Franciscus Dux 74
nobis humiliter supplicari fecit ,
ut Documenta , & Spiritualia
Exercitia prædicta , quo LATIUS
eorum fructus pateat , & plures
Christi fideles majori cum devo-
tione ad utendum illis inviten-
tur , examinari facere ; & , si ap-
probatione & laude digna inveni-
remus , approbare & laudare , ali-
àsque in præmissis opportunè pro-
videre de benignitate Apostolica ,
dignaremur. Nos igitur , qui Do-
cumenta & Exercitia hujusmodi
examinari fecimus , & quæ testi-

monio ac relatione dilecti Filij nostri Joannis, Tit. S. Clementis Presbyteri Cardinalis, Burgenfis Episcopi, ac hæreticæ pravitatis Inquisitoris; & Venerabilis Fratris nostri Philippi Saluciarium Episc. ac dictæ Urbis nostræ in spiritualibus Vicarij generalis; nec non dilecti filij Ægidij Foscararij, nostri Sacri Palatij Magistri, nobis desuper factâ, pietate ac sanctitate plena, & ad ædificationem & spiritualem profectum fidelium valde utilia & salubria esse & fore comperimus; debitum etiam respectum ad fructus uberes, quos **IGNATIUS**, & ab ipso instituta Societas præfata, in Ecclesia Dei ubique gentium producere non cessant; & **AD MAXIMUM ADJUMENTUM**, quod ad id prædicta Exercitia attulerunt, non immeritò habentes; hujusmodi supplicationibus inclinati, Documenta & Exercitia prædicta, ac omnia & singula in eis contenta,

au-

auctoritate prædictâ, tenore præsentium, ex certa scientia nostra, approbamus, collaudamus, ac præsentis scripti patrocínio communimus: hortantes plurimum in Domino, omnes & singulos, utriusque sexûs Christi fideles, ubilibet constitutos, ut tam pijs Documentis & Exercitijs uti, & illis instrui devotè velint. Nec non concedentes, ut huiusmodi Documenta, & spiritalia Exercitia imprimi à quocumque bibliopola, per prædictum IGNATIUM eligendo, liberè & licitè valeant.

75.

Ità tamen, ut post primam editionem, sinè consensu ejusdem IGNATIJ vel Successorum ejus, nec ab hoc, nec ab alio omnino, sub excommunicationis, & 500. ducatorum pijs operibus applicandorum pœnâ, imprimi possint. Ac mandantes nihilominus universis & singulis locorum Ordinarijs, ac personis in Ecclesiastica dignitate constitutis, & Cathedra-

lium ac Metropolitanarum Ecclesiarum Canonicis, & eorundem Ordinariorum Vicarijs in Spiritualibus, & Officialibus ubilibet constitutis, quatenus ipsi, vel duo, aut unus eorum, per se, vel alium, seu alios, cuivis de Societate prædicta, vel alijs quorum intererit, in præmissis spiritualibus Exercitijs, efficacis defensionis præsidio assistentes, faciant auctoritate nostrâ, illos dictâ concessione & approbatione pacificè frui & gaudere: non permittentes eos, per quoscumque contra præsentium tenorem quomodolibet molestari: contradictores quoslibet & Rebelles, per censuras & pœnas Ecclesiasticas, ac alia opportuna juris remedia, appellatione postpositâ, coërcendo: invocato etiam ad hoc (si opus fuerit) auxilio brachij secularis. Non obstan. fel. rec. Bonifacij Papæ VIII. prædecessoris nostri de una, & Concilij Generalis de duabus Diætiis
(dum-

(dummodo ultra tres, aliquis, auctoritate præsentium non trahatur) & quibusvis alijs Constitutionibus & Ordinationibus Apostolicis, cæterisque contrarijs quibuscumque: Aut si aliquibus communiter vel divisim, ab eadem sit Sede indultum, quod interdici, suspendi, vel excommunicari non possint per literas Apostolicas, non facientes plenam & expressam, ac de verbo ad verbum de indulto hujusmodi mentionem. Volumus autem, quod præsentium litterarum transumptis, manu Notarij publici subscriptis, & Sigillo alicujus Prælati, seu Personæ in dignitate Ecclesiastica constitutæ, munitis, plena fides ubique habeatur; & illis stetur, tam in judicio, quam extra, ac si originales literæ exhiberentur & ostenderentur. Datam Romæ apud Sanctum Marcum, sub Annulo Piscatoris, die ultimo Julij, millesimo quingentesimo quadra-

dragesimo octavo , Pontificatûs
nostri Anno XIV.

BLO. EP. FULGINEN.

CAPUT IX.

*Alij duo Pontifices Maximi speciali-
ter hortantur omnes fideles & invi-
tant Indulgentijs plenarijs , alter
etiam Exemplô suô ad Exercitia
Spiritualia.*

76. **P**Aulus V. in quadam Bulla, quæ
refertur in Bullario , Anno
1606. 23. Maij in gratiam earum
quoque animarum , quæ in Clau-
stris vitam religiosam sanctissimis
legibus ordinatam ducunt, ita
scribit :

77. Ijs , qui de suorum Superiorum
licentia , à negotijs per decem
dies alieni , in cella commorabun-
tur ; aut ab aliorum conversatio-
ne separati in piorum librorum ,
& aliarum rerum spiritualium ani-
mos ad devotionem , & Spiritum
inducentium lectionibus operam
suam

suam dederint, addendo sæpè
 considerationes, & meditationes
 mysteriorum fidei Catholicæ, Di-
 vinorum beneficiorum, quatuor
 Novissimorum, Passionis Domini
 Nostri JESU CHRISTI, & alio-
 rum Exercitiorum, Orationum
 jaculatoriarum, aut vocalium, sal-
 tem per duas horas in diem, & no-
 ctem Orationibus mentalibus se
 se exercendo; faciendo eodem
 tempore Confessionem Genera-
 lem, aut annualem, vel ordina-
 riam; Sanctissimum Eucharistiæ
 Sacramentum sumpserint, aut
 Missam celebraverint, toties pro
 quolibet prædictorum Exercitio-
 rum plenariam similiter omnium
 peccatorum suorum Indulgen-
 tiam, & Remissionem misericor-
 diter in Domino concedimus.

Denique Alexander VII. Pon-
 tifex maximus, ità Fideles omnes
 utriusque sexûs, cujuscunque sta-
 tûs, conditionis, aut Ordinis ad
 Exercitia spiritualia S. Ignatij à se

ma-

magnopere laudata & æstimata;
non solum Indulgentijs, verum
etiam exemplô suô & experienciâ
propriâ invitat & hortatur his
verbis : Constitutione 12. Januar.
1657.

ALEXANDER PAPA VII.

Ad Perpetuam Rei Memoriam.

79. **C**ùm, sicut nobis nuper exponi
fecit dilectus filius Goswi-
nus Nickel, Præpositus Societatis
JESU, personæ ejusdem Societa-
tis quotannis; & plerumque plu-
rimæ aliæ, sive Ecclesiasticæ & a-
liorum Ordinum & Congrega-
tionum Regularium; sive Laicæ,
Exercitijs spiritualibus, à S. Igna-
tio dictæ Societatis Fundatore in-
stitutis, per octiduum vacare con-
sueverint: Nos, qui probè scimus,
quantopere conducant Exercitia
hujusmodi DIRIGENDIS in vi-
am Domini, & CONFIRMAN-
DIS in illa Christi fidelium menti-
bus; devotionem eorum, qui o-
peri

peri adeò pio & salutari vacaverint, cælestium Ecclesiæ thesaurorum elargitione magis incitare volentes, de omnipotentis DEI misericordia, ac beatorum Petri & Pauli Apostolorum ejus auctoritate confisi; omnibus & SINGULIS Christi fidelibus, tam prædictæ Societatis aut cujuscunque alterius Ordinis & Congregationis Regularibus, quàm alijs quibuslibet Ecclesiasticis & Laicis, qui in domibus memoratæ Societatis, Exercitia prædicta, juxta laudabilem ejusdem Societatis consuetudinem, per octidui spatium quandocunque peregerint, & interea temporis verè poenitentes & confessi sacrosanctum Eucharistiæ Sacramentum sumpserint, quoties id egerint, plenariam omnium peccatorum suorum Indulgentiam & remissionem misericorditer in Domino concedimus, præsentibus in perpetuum valituris.

Volumus autem, quòd, si pro
im- 80.

impetratione, præsentatione, ad-
missione seu publicatione præsen-
tium aliquid vel minimum detur,
aut sponte oblatum recipiatur, eæ-
dem præsentēs nullæ sint eo ipso;
quódque earundem præsentium
transumptis, etiam impressis, ma-
nu Notarij publici, vel Secretarij
Dictæ Societatis subscriptis, & Si-
gillo Personæ in dignitate Eccle-
siastica constitutæ, vel Præpositi
Generalis Societatis prædictæ mu-
nitis, eadem prorsus fides adhibe-
atur, quæ præsentibus ipsis adhi-
beretur, si forent exhibitæ vel
ostensæ. Dat. in Arce Gandul-
phi Albanensis Diæcesis, sub An-
nulo Piscatoris, die XII. Octobris.

M. DC. LVII. Pontificatûs
nostri annô ter-
tiô.

G. GUALTERIUS.

PARS

P A R S III.

De Uſu Exercitiornm Spi-
ritualium.

CAPUT I.

*Etiam temporibus noſtris Uſus Exer-
citorum Spiritualium viget.*

NON eſt mihi ſermo de uſu
Exercitiorum in Societate
noſtra ; in qua unusquisque ſin-
gulis annis ea obire ſolet ; & de-
bet. De ſecularibus , Eccleſiaſti-
cis, imò & alijs Religioſis ajo, apud
eos uſum , Exercitiorum eſſe fre-
quentem : quamvis inæqualiter
pro diverſitate regionum. Quod
ex varijs , ijsque non dubijs rela-
tionibus eſt manifeſtum. Et in-
primis in alma Urbe Romana E-
xercitijs ſpiritualibus ſe ſe exco-
lunt ſingulis annis , ex prima linea
dignitatis , & nobilitatis Romanæ
tum Eccleſiaſtici , tum ſæculares ;
inter quos non rarò Cardinales
Emi-

81.

Eminentissimi, Prælati, Abbates, qui in Curia Pontificia morantur. Inter eos etiam fuit Alexander VII. Pontifex maximus, qui, antequam ad supremum in terris solium euectus esset, ea summô gaudiô, & animi sui consolatione peregit: ideôque Pontifex factus, exemplô etiam suô invitavit, & hortatus est fideles omnes ad frequentem eorundem usum; prout supra notavimus.

82.

Ibidem Congregatio primaria B. V. Annunciata, in Collegio Romano Societatis JESU singulis annis in Exercitijs spiritualibus magna cum ædificatione per dies plures, Sodales suos instituit. Idem faciunt reliquæ Congregationes, quæ huic primariæ ibi sunt incorporatæ. Alia etiam Congregatio B. V. finè labe originali Concepta, in Domo Professæ Romana Societatis JESU instituta, quæ potissimum è Sacerdotibus Ecclesiasticis constat, eandem lau-

laudabilem consuetudinem tenet, Exercitia Spirituality obendi primâ septimanâ post Pascha Dominicâ Resurrectionis, eo modo, & ritu, quo eum cum tota serie Exercitiorum descripsit in quatuor Tomis recenter in lucē datis, Director ejusdem Congregationis, & Exercitiorum, Pater Josephus Agnellus. Et quia inter Sacerdotes illos, reperiuntur complures, qui in Monasterijs Virginum, Confessorum & conscientiarum Directorum Officiō funguntur, fit, ut per eos probè excultos, plurimum eadem Exercitia Spirituality propagentur in animis ab eorum curâ pendētibz.

Juvenes, qui in Seminario Romano, & Collegio Germanico, in illo flos Nobilitatis Italicæ, in isto Germanicæ, degunt; annis quoque singulis exercentur spiritualiter; idem præstant aliæ nationes, in Collegijs sat multis, quæ in alma Urbe Directioni PP. Societatis

cietatis commendata sunt. Ea verò tanta cum animi applicatione, alacritate atque rerum minimarum observantia, & magno profectu in virtutibus peragunt Juvenes Nobilissimi, & vivacissimi, ut mihi, & alijs eos contemplantibus, ac demirantibus, non semel dulcissimas lacrymas, eorum compositio, fervor, atque devotio prolificuerit.

84.

Neapoli jam consuetum est, annis singulis Exercitia spiritualia tradi Hebdomadâ Sanctâ Viris à dignitatibus atque Magistratibus, quos gerunt, conspicuis, in Domino Professâ Societatis JESU; ad quæ facienda Annò 1679. Virorum Nobilium, Ecclesiasticorum, & complurium Religiosorum è diversis Familijs Sacris tantus fuit concursus, ut locus alioquin amplissimus huic functioni destinatus eò Annò fuerit perangustus. Eodem tempore, ut omnibus de fructu animæ provideretur, fieri cæptum

ptum est, quòd etiam hodie, ut intelligo factitatur ; id quod addo. Forum peramplum , cui Domus Professa exponitur , erat refertissimum rhedis , & servis famulantibus. Isti nè vel otio , vel ludo , contentionibus , aut blasphemijs vacarent ; ab uno Sacerdote humaniter , & benignè congregati , sermone spirituali eorum utilitatibus spiritualibus accomodato sunt instructi , magnò emendationis fructu consecutò.

In eadem Urbe Nobilissimus quoque mos est , Exercitia spiritualia cum expositione Sanctissimi Sacramenti ante Dominicam sexagesimæ tradere, in famosis carceribus populi nec non in Congregatione captivorum ; quo tempore captivi illi publicas obire solent pro delictis suis pœnas , & Communiones Generales cum devota supplicatione circa sui carceris atrium, consequentibus semper magnis morum & animorum

85.

E

im-

imutationibus, & Confessionibus Generalibus. Mediolani, Genuæ, Taurini Cremonæ, Congregationes Nobilium, quovis Anno semel Exercitijs spiritualibus vacant: jam singuli seorsim in cubiculis & ab invicem discreti; jam omnes simul uno in Oratorio collecti. Rursus Bononiæ, prout in litteris 18. Aprilis. 1696. datis perscripsit ad me Vir amicus & Religiosus, illic tempore quadragesimali in Ecclesia Novitiatûs nostri Exercitijs spiritualibus operam dedisse Matronas à Nobilitate claras nonaginta; deinde in aula majore Collegij nostri Viros Illustres, & minimè plebejos circiter ducentos, & quinquaginta excultos fuisse.

CAPUT II.

De frequenti Usu Exercitiorum in alijs Urbibus.

86.

Non postremò locò reponendus est usus frequentissimus
Exer-

Exercitiorum spiritualium per tres, vel octo dies, inter illos, qui litteris, & sapientiæ superiorum facultatum navant operam sub disciplina, & Magisterio Societatis JESU. Bononiæ, ab Annis aliquot Congregatio B. V. in Collegio Societatis erecta sub titulo in Calos assumptæ, amplexa est utilissimam istam Sodalibus suis Exercitia Spiritualia tradendi consuetudinem; ad quam antiquissimæ, & inclytæ Universitatis Bononiensis studiosi tam proprii, & domestici, quàm extranei, adeò copiosi accurrunt; ut Anno 1685. Numerus eorum ascenderit ad centum septuaginta quinque præter eos, qui in Scholis Societatis docebantur. Accessit integrum Collegium Pontificium Montis Alti, præter Clerum, & Doctores plurimos, qui exemplò suò præluxerunt cæteris suæ Universitatis membris.

Ibidem Sanctè conspirârunt 87.

E 2 ado-

adolescentes triginta tres: in honorem annorum totidem vitæ Christi, qui ludis & relaxationibus bacchanaliorum se privarunt, & ultimum triduum antecinerale in meditationibus rerum æternarum impenderunt: quod Bresciæ factum prius. Suum quoque dierum numerum rebus cælestibus contemplandis constitutum habet in Quadragesima, Illustrissimum & Nobilissimum Collegium Parmense; Collegium Taurinense; Brescianum, & Collegia Bononiensia sub protectione Divi Francisci Xaverij, & B. Aloysij Congagæ erecta, in quibus omnibus juvenus nobilissima sub regimine PP. Societatis mirè, tum in litteris, tum in virtutibus modò jam dictò excolitur.

88. Quid porro? Nobiles quidam Juvenes Mediolani initium fecerunt annis istis, ut certò anni tempore excedant Urbe; seque per dies octo in quandam villam, ad

id

id destinatam, & ab Urbe non longè distitam recipiant; in qua citra omnes expensas proprias sub directione Sacerdotis de Societate, vacant negotijs æternitatis & animæ suæ rite componendis, & per Exercitia spiritualia seriô tractandis. Neapoli denique singulis annis in aula maxima Collegij congregantur omnes, qui Magistros in altioribus Facultatibus auscultant Auditores, octo diebus ante Ascensionem Domini; ibique Philosophiæ cælesti Exercitiorum spiritualium diebus octo vacant. Accurrunt, & admittuntur, eò etiam multi legum, & medicinæ studiosi, nonnulli etiam ex humanioribus disciplinis, qui per ætatem ad ea idonei censentur.

Sed nè Patriæ quoque nostræ simus immemores; Benignitas Dei, quæ omnibus ad salutem consequendam copiosa præbet auxilia, sanctum istum Exercitiorum,

spiritualium usum in nostras quoque induci fecit Universitates. Vidit non sinè admiratione, atque ædificatione rem nunquam à se visam, & Universitas Olomucensis, & Universitas Pragensis, successum optatissimum Exercitiorum spiritualium à sua Juventute obitorum. De quo pauca referre operæ pretium erit, ea potissimum, quæ oculis proprijs licuit intueri.

CAPUT III.

De exercitijs Spiritualibus, à Juventute Universitatis Olomucensis, & Pragensis feliciter peractis.

90.

ANno 1694. die 21. Junij absolverunt, ut mos est, in Universitate Olomucensi cursum triennale Philosophiæ suæ Metaphisici, qui manè in aula Universitatis ultimâ lectione & valedictione à Magistro suo acceptâ, à studio Philosophico absoluti sunt; atque ad ingressum eodem vespere
Exer-

Exercitiorum spiritualium invitati, comparuerunt quinquaginta, & unus; & per octiduum totum mirâ constantiâ perseverârunt. Primis statim diebus eam in moribus prodiderunt mutationem, ut intuentibus se mox alij viderentur, quàm priùs fuerint; haud certè dissimiles ijs, qui gravissimas regnorum atque imperiorum curas animo circumferrent. Et sanè gerebant curas utique gravissimas; eas videlicet quas nunquam priùs æqua lance ponderarunt, æternæ felicitatis, æternæque calamitatis.

Rem totam breviter descriptam ex litteris annuis Collegij Olomucensis, anni illius 1694. huc transferre juvat, quæ sic habent. Istud verò sicut ab annis retro elapsis nunquam memorabile, ità in præsentì, minimè silentiò prætereundum; quòd videlicet, approbante illud ipsum Provincie Moderator, ex Metaphi-

91.

sicæ Auditoribus , priusquam emensô Philosophici cursûs studiô, ad optatam post triennales in Peripato labores, quietem digrederentur; contractos (ût fieri amat) cum scholasticis, conscentiarum pulveres, octiduanâ S. P. Ignatij ascensi domi nostræ absterferunt quinquaginta, & unus. Quibus cum Exercitiorum vel ipsum nomen ad primam insinuationem alienum non immeritò, & peregrinum videretur, post prolixum nihilominus de præstantia eorundem, utilitate, Pontificum, ac summorum orbis capitum æstimatione, horis antemeridianis habitum sermonem, terni duntaxat ijsdem vacare expetiverunt; usque dum resumpta post meridiem salutarî desuper deliberatione, quadraginta octo alij animos, & dextras, suavi huic jugo Christi applicuissent.

Annua

92.

Collegij

Olom.

1794.

Heroica proinde à singulis resolutione, & non exigua rei no-

vita-

vitae attonitorum ex facultatibus
cæteris expectatione, itum est sub
vesperam 21. Junij ad Sacellum
Collegij domesticum, ubi præmissa
à Professore, & Directore simul
nervosa dictione, certis diei tem-
pora sunt attributa occupationi-
bus; & materiæ in singulis medi-
tationibus ruminandæ deinceps
prolatæ. Et tametsi sub exordium
fuerit pronissimum opinari, ar-
duum isthoc exercitandi spiritûs
octiduum ad calcem usque à pau-
culis perducendum; perduxere
nihilominus omnes & singuli so-
lida contemplationum varietate,
& cælestium deliciarum gustu ille-
cti; sic ut pauculos eorundem re-
pereris, qui ad illa quotannis,
dummodo occasio præberetur,
iteranda orexim non retulissent.
Elucebat tunc temporis ea in om-
nibus modestia, ea exteriorum
morum compositio; quâ major
à bene ordinatæ cujuslibet Reli-
gionis tironibus nequivisset desi-

derari. Quin imò Collegium nostrum Alexandrinæ Urbis theatrum, & Sacellum domesticum Maximini Regiam intuentibus referre videbatur, quando à quinquagenis sophis adversùs carnem & mundum decertantibus, juxta præscripta horarum intervalla accuratissimè frequentabantur. Cujus non tam ingeniosi, quàm ab uniuscujusque de semetipso victoria operosi certaminis si consignare cuperemus, laureolas; justum exinde possemus erigere trophæum. Ità annuæ Collegij Olomucensis.

93. Hoc Sanctum opus Anno sequenti, qui fuit 1695. transijt feliciter ad Juventutem Universitatis Pragensis, ubi absoluta dictatione Logicæ, ex ducentis, & septuaginta illius Auditoribus, centum & septuaginta, præter alios ex alijs facultatibus, & classibus triduò, spontè sua exerceri voluerunt, suo incredibili cum solatio, & fru-

& fructu, ob conscientias confessionibus à peccatis vitæ totius expurgatas, aliósque fructus uberri-
mos relatos. Hi tandem Anno
1697. prope finem Philosophiæ
constituti, & alij complures, me-
mores tridui utilissimi annis ante
duobus jam degustati; plenum o-
ctidui cursum, quo exercere se
possent à Magistro expetiverunt,
obtinueruntque. Indicti ergo
fuere dies octo hebdomadæ san-
ctæ; quibus Universitas à Scholis
publicis vacare solet. Locus in
Oratorium deligendus tunc ma-
ximè opportunus videbatur Au-
ditorium Sacræ Theologiæ, quod
ritè dispositum, & rebus ad finem
propositum conducentibus pro-
bè instructum, ità mox, die se-
quenti repletum est, ex diversis
hominum classibus, ut locus alio-
quin peramplus, accedentibus
non superfuerit. Aderant om-
nium pene facultatum studiosi, ex
prima etiam Nobilitate, Patrij,

atque extranei ; Ecclesiastici , & sæculares : his accessere Viri à Magistratibus & Nobilitate spectabiles ; pluresque dolebant postea , notitiam istam ad se tam serò pervenisse ; ut tanti boni Communione se felices reddere nequiverint. Hi verò quibus hæc optima fors à DEO donata est , inexplicabili gaudiò & jubilò animi gratulabantur sibi de tanta felicitate Sanctissimi octidui , unusquisque laudibus Exercitia spiritualia efferendo , sui que animi sensa , & commoda inde comparata festivè narrando.

CAPUT IV.

Quantum ad hoc valeat Zelus & Exemplum Præsidentum , & Moderatorum tam studiorum quàm Sodalitatum B. V. MARIE.

94. **C**ontinere hic non valeo , intimum animi mei aliorumque votum ac desiderium ad prom-

movendum sacrum hoc negotiū animarum lucrandarum in Universitatibus, Accademijs, & Sodalitatibus; in quibus copiosa, & idonea confluit ad litteras capefendas Juventus. O quàm grande beneficium Præsides, ac Moderatores studiorum, quin & ipsi Magistri ac Professores, conferendi potestatem atque commoditatem dum velint, habent, non solum proprijs singulorum Auditorum, ac discipulorum suorum animis; verùm ijs quoque Communitatibus, & Civitatibus, in quibus aut versantur Juvenes dum student, aut post absoluta studia versabuntur; si ipsi seriâ, & sincerâ pro illo Zelo salutis animarum, quo flagrare possunt & forte debent, uti & pro bono publico, adhortatione aut etiam exemplô suaviter, ac fortiter suæ curæ & instructioni commissos inducere conentur ad sacra ista Exercitia, si non sæpius, semel saltèm sub

Magisterio suo peragenda; ijsque non solum Ciceronis, Aristotelis, Hippocratis, Bartoli, aut Magistri sententias explanent, verum etiam suasionem, dum aliter non possunt, ad cœlestia documenta in Exercitijs Spiritualibus haurienda, propinent. Brevi sanè viderent eos, ut moribus probiores, sic ad omnem litteraturam habiliiores: quando quidem certissimum est illud Spiritûs Sancti oraculum; *Initium Sapientiæ, Timor Domini*; cessarent utique tandem, sicubi fortassis accidunt, graviora flagitia, ut rixæ, homicidia, ebrietates, blasphemix, rapinæ; & alia nefanda; à quibus non carceres, non catenæ, non plagæ, aliæve pœnæ fortè infligi solitæ absterrebunt, quamdiu malè ordinatæ affectiones, veluti radices pessimæ fructuum se ipsis pejorū, non tollentur; tollentur autem considerationibus veritatum æternarum, pœnarumque noxæ lethalis,

lis, denique cruciatuum Patientis & morientis Dei, & alijs hujusmodi. Harum enim est proprium, *preparare, & disponere ani-* Part. 1.
mam, ad tollendas affectiones omnes c. 3. n.
mali ordinatas, ut supra explica- 10.
tum est.

Neque prætendi possunt diffi- 95.
cultates aliæ, quàm eæ, quas humanæ salutis inimicus dæmon excitare, atque objicere communiter solet rebus longè sanctissimis; eæ tamen omnes DEO tunc vel maximè per gratiam specialem adjuvante, superari & possunt, & solent à Zelo sincero gloriæ DEI, & salutis animarum. Exempla non desunt in Romanis, Neapolitanis, Bononiensibus, Parmensibus, Mediolanensibus, item Oломucensibus, & Pragensibus Exercitijs Academicorum, quibus & novitatis species jam sublata est, & via cæteris plana facilisque parata. Cætera facile obtinebit ad tantum opus prudens & fervens in-

industria DEO fidens, nec non
 Autoritas Præsidum, & Mode-
 ratorum; qui eapropter magnâ
 fiducia se censere in mortis articu-
 lo poterunt cum gaudio, & læti-
 tia, in numero eorum, de quibus
Daniel. scriptum est apud Danielelem: *Qui*
32. *autem docti fuerunt, fulgebunt quasi*
splendor firmamenti: & qui ad ju-
stitiam erudiunt multos, quasi stellæ,
in perpetuas æternitates.

CAPUT V.

*De Usu Exercitiorum Spiritualium
 in Regno Gallia.*

96. **Q**Uamvis optandum sit, ut o-
 mne genus & omnis ordo,
 ac status hominum semel saltem
 in vita, ad Exercitia Spiritualia se
 se recipiant. Id tamen maximè
 desiderandum esse videtur in pri-
 mis à Personis utriusque sexûs no-
 bilitate illustribus; item à Pro-
 fessoribus & Doctoribus quarum-
 cunque facultatû; uti & Magistra-
 ti-

tibus ; propter exemplum , quod vim magnam habet in alios ; & ab ijs potissimum , qui à DEO majori habilitate , melioribusque talentis , & dotibus naturæ donati & ornati sunt , puta intellectu , iudiciô , & prudentiâ. O ! quàm multa , & mira intimè perspicerent , ad lumen divinum , in ijs , in quibus cum tota illa , quam se habere putant , humana scientia , peregrini admodum sunt ; quia non recogitant corde veritates altissimas Fidei Divinæ , & Philosophiæ cœlestis. Nimirum *non est , qui recogitet in corde.* Et ideo *desolatione desolata est terra.* Inde fit , ut vitæ , morumque sanctimonia , dignissima certè præ cæteris omnibus rebus creatis , homine portio , tam exiguas & prope nullas agat in animis mortalium radices ; *defecit , sanctus ! cur ? Quoniam diminutæ sunt veritates à filiis hominum.* Eccur in omni celebriore urbe non destinatur locus
cer-

certus, in quo se se recipere possint Exercitijs Spiritualibus operam dare volentes? tot, ac tanta opera pia, hinc inde visuntur, ecur non etiam id genus refugij, quo à sæculi tumultibus, modicum segregati fideles, recurrere valeant ad recogitandos dies antiquos, & annos æternos, in mente habendos? Singulare quidpiam in hoc genere Ascetiorum seu dormorum, in quibus Exercitia totò annò traduntur, habet Gallia; De quibus notitiam aliquam hinc addere non parum operæ pretium duxi. Hòc ipso tempore, quò ista scribo, fertur, ultrà centum Personas, viros fæminasque in domibus illis, seu Asceterijs exerceri; jam enim præter Asceteria viris exercendis instituta, Nobilis & principalis fæmina, domum ad instar Monasterij suscitavit, atque legibus optimis prudenter ac discretè instructam aperuit fæminis Nobilibus, quæ ibi Spiritualibus

Exer-

Exercitijs frui solent. Præcipuum autem asceterium est illud, quod Patres Societatis Collegij Venetensis in Britannia Administrant, de quo sequentem narrationem è Gallijs per Romam, typis mandatâ annò præsentî 1698. obtinui, eamque fideliter, & integrè hîc refero, sola duntaxat capitum, & titulorum divisione additâ, quæ ad claritatem, & jucunditatem Lectoris facere posse judicavi.

CAPUT VI.

*Narratio Spiritualium bonorum, quæ in Vene:ensi Exercitiorum Domo Societatis JESU operari dignatur
DEUS.*

E Recta est ab aliquot annis Societati hac in Urbe *Exercitiorum Domus*, sic dicta, quòd excolendis per Exercitia Spiritualia externis hominibus tota dedita sit. In qua per DEI gratiam sic illa florent, ut inde fructus uberrimi col-

colligantur. Huc enim modò trecenti annis singulis , modò quadringenti venerunt. Anno verò, qui ultimùm antecessit, nimirum 1665. fere septingenti , postrenò 1666. octingenti quadraginta novem.

98. Conveniunt quotannis viginti Turnæ secundùm excusum indicem dierum ingressûs, qui quidem index procul in omnes Provinciæ partes disseminatur. Veniunt quolibet mense duæ, Octobri excepto, qui vacat : exceptis item Novembri ac Juniò : Novembri quidem propter Festum Sanctorum Omnium : Juniò verò, Festò Corporis Christi, qui in eum mensem incidit, obstante. Per Octavas enim horum Festorum Sacerdotibus occupatis, nonnisi semel in utroque illo mense octidianus secessus indicitur.

99. Neque ex una solùm Diæcesi, sed & è multis huc confluunt, ex quatuor persæpe quinquève, aut
etiam

etiam è pluribus : adeò ut decem, quindecim & triginta nonnunquam aut plures etiam emensi leucas , hoc in Asceterium conveniant.

Huc omnis ætatis homines ab 100. annis viginti ad septuaginta , imò etiam & senio confecti , conditionis verò cujusvis : & inter Ecclesiasticos quidem Illustrissimus Dominus Episcopus Venetensis, Dominus Vicarius Generalis , Canonici , Parochi , Doctores Concionatores , Missionarii , Confessarii aliquando triginta , quadraginta interdum eadem in Turma Sacerdotes, & sæpè plures numerantur. E secularibus verò supremi Parlamenti Magistratûs , Nobiles , Comites , Barones , Gubernatores , Milites , Judices , Advocati , Procuratores , Notarii , Mercatores , Artifices , Primi , Medij , infimi Reipublicæ.

Et ij quidem in omnibus Exer- 101. citantur animorum motus , ut & pu-

publicis in exhortationibus, in Confessionibus, & in cubiculis, lacrymæ frequentes sint & singultus. Ea verò mutatio morum, ut & cessent vitia, & incentiva vitiorum (cujusmodi sunt compositiones, choreæ, convivialuxus, alea, blasphemix) passim extinguantur: refloreat verò pietas, frequentior vigeat Sacramentorum Usus, Piæ Confraternitates Rosarij, perpetuæ SS. Sacramenti Adorationes, & aliæ id genus consuetudines religiosissimæ renouentur: crebræ fiant restitutiones, reconciliationes quam plurimæ, aliæque istiusmodi pia opera passim edantur.

102. Sæpe numero novi huc veniunt Parochi, ut parent se ad Parochiam ritè procurandam: Sacerdotes item novi ad primum Sacrum purius obeundum, novi Confessarij ad Confessiones audiendas, Concionatores ad concionandum, ad moriendum senes,
- Ju-

Juvenes ad eligendum vitæ statum, in quo perseverent; sunt qui hinc abeunt in claustra, Religiosam illic vitam professuri.

Qui Rempublicam Ecclesiasticam administrant, ut & Patresfamilias, ij ex quo hac Domo Exercitijs exculti semel abscessere, ex illo muneribus suis longè melius perfunguntur. Innumeros porrò successus iste & Collegio & Societati Amicos parat. Quin & illos etiam qui à nobis alienissimi sunt, sæpè ita conciliat, ut aliorum & verbis & exemplis invitati, ad nos Exercitiorum causâ huc accedere non recusent. Imò è Primoribus urbis aliquot, quos jam pridem infensos experiebamur, ita jam nostri sunt per hæc Exercitia effecti, ut ex quo Societas hac in Urbe Collegium habere cœpit, amiciores experta sit nullos. Hæc autem communis quædam omnium benevolentia mirum quantum & domi & foris pro-

prodest ad munia nostra cum fructu obeunda.

CAPUT VII.

Quomodo hæc domus in Usus fuerit designata.

104. **M**odus ipse, quo hæc domus talem est in Usus destinata, inusitati aliquid habet. Cum enim constructa fuisset in Seminarium Clericorum ab aliquot è nostris regendum; tum verò Clerus intercessit, nè Clerici, Societatis curæ crederentur. Quid tum factum? D. Vicarius Generalis, acceptâ, cum in ipsamet Domo Exercitijs vacaret, divinitus inspiratione, totum de Seminario consilium in Exercitiorum Domum commutavit. Quæ res tam feliciter cessit, ut ex varijs Armoricæ locis ad ea obeunda non ità multò post plurimè confluerint: &, quod mirère, illi ipsi Pastores, qui Clericos suos nobis com-

committi noluerant prius, jam se ipsos, Sacerdotesque suos ab eo tempore tradant instituendos.

Sanè hoc mirum fuit & arcanum prorsus Divinæ Sapientiæ consilium, quo nimirum Authore tanta ædificia, totque cubacula constructa sunt, ad Seminarium ibi constituendum, quæ ad Exercitiorum Domum nunquam perfectò exædificata fuissent: cujusmodi exemplum Domus tam amplæ, tot distinctæ cubiculis totque ab hominibus frequentatæ, nusquam in orbe repereris. 105. *Ædes* autem istæ ubi ad fastigium perductæ sunt; tum verò, non in Seminarium Clericorum, sed in Exercitiorum Domum ut converterentur, optare se significavit DEUS.

Atque ut de Mortuis etiam, 106. qui Exercitijs ibidem operam dederunt, commemoretur aliquid, sufficient exempla hæc duo, quæ recentissima sunt. Celebris quidam

dam ac prædives Mercator, Nobilis deinde vir ac potens, paulò post Exercitia, quæ unus in postrema Paschatis, alter in Pentecostes ultima Turma fecerat: ambo mortem obière, sed eo pietatis Christianæ sensu, ut nihil ultra desiderari posse videretur.

107. Et Mercator quidem nec pro-
rogandæ vitæ vel tantisper cupi-
dus, nec Liberos aut Uxoris
amore, bonisve ullis irretitus, as-
ferenti Medico nihil esse desperan-
dum, idemque obtrudentibus A-
micis, constanter respondit, eo se
morbo moriturum. Sanè ipse
suavissima sui in Exercitijs secessus
recordatione mirificè recreaba-
tur: addebátque identidem: quid
est quod redire in vitam exoptem,
mediam jam vi morbi emensus
viam? Atque eò defunctò Judex
quidam omninò pius, iisdem &
ipse aliquoties Exercitijs excultus
scripsit, eo illum modo decessisse,
ut tam certò salvum eum crede-
ret, ac si ex revelatione didicisset,

Nobilis verò annos natus tantum viginti octo, dum ex morbo, quo postmodum mortuus est, decumberet, non solum coram omnibus professus, se, nisi Exercitia intercessissent, damnandum fuisse; sed uxori etiam id adjecit: dolorem equidem, quod & abs te & à liberis tam citò avellar, si qua esset alia separationis nostræ causa; sed quando ad visendum DEUM abeo, certè dolendum non est. Quin & illo ipso quadrante qui mortem antecessit, pia quædam proposita, quæ in Exercitijs ipse perscripserat; ab uno è servis sibi jubebat identidem prælegi. Hortabatur idem orabátque circumstantes Nobiles, ut ad sanctâ, quam ipse vocabat, Exercitiorum Domum itarent. Morti proximus exclamabat subinde, ô mi DEUS! gratias tibi ago, quod per tuam gratiam Exercitijs fuerim perfunctus. O felicem! ô pre-

F 2 tio

tiosum secessum meum. Denique tanto perfusus divini amoris æstu decessit, ut prior Monasterij Carmelitarum, qui illic aderat præsens, non nisi cum admiratione de ipso loqueretur: & Medicus, qui à multis annis plurima curabat Monasteria, dixerit se nunquam religiosam personam vidisse, quæ tam sanctè moreretur.

CAPUT VIII.

Mira quadam de hac Domo.

109. **Q**Uod verò spectat res eas, quæ inusitatæ magis censerî possent, duæ trêsvè ex multis seliguntur. Primum illud: Sacerdoti perito, probo, & prudenti, dum hic Exercitijs incumberet, non de nocte aut dormienti, sed de die ac vigilantî Beatissima Virgo visendam se se præbuit, quæ pro ipso Filium orabat cælesti undique Curia circumfusa. Hinc divino ardore ita succensus est, ut per sex heb-

hebdomadas æstus ille cælestis ab eo non recesserit; concessum deinde eidem fuerit contemplationis donum; quòdque certissimum est tantæ gratiæ signum, amor sæculi omnis ad mortem usque in ejus pectore fuerit extinctus.

Alterum, piissimæ cujusdam viduæ quæ defuncta est ante aliquot annos, sub cominunionem ipsam objecta sunt menti impedimenta ea omnia, quæ adversus hanc domum postmodum opposita sunt; tum magnus iste hominum huc ad Exercitia confluentium concursus ei se se obtulit. 110.

Tertium denique; antequam ipsa Exercitiorum Domus constructa esset, aut ullum extaret illius ædificandæ vestigium, pientissima quædam Persona noctu somniavit, inventum esse thesaurum eo ipso in loco, in quo jam fabricata est Domus, quique tum temporis hortus erat: at viris so-

lūm licere ex eo thesauro ditari. Sanè ipsa nonangebatur parum, quòd Sexum alterum ab illo re-
fosso thesauro exclusum videret. Cūque postmodum animadver-
tit, tot ac tantas gratiarum opes
hac in Domo Viris communicari,
sæpè ipsi somnij sui venit in men-
tem.

112. Et certè communis quædam est
his in locis hominum opinio, si
DEUS optimus maximus, ita ut
cœpit, benedictione suâ eam Do-
mum pergat cumulare, nascitu-
ram inde publicam & generalem
morum reformationem, cujus
tam læta longè latèque se se expli-
cant initia. Ipse nimirum DE-
US, qui pro varietate temporum
varia Ecclesiæ suæ ad salutem ani-
morum auxilia subministrat, istud
ipsum hoc in depravatissimo sæ-
culo videtur inspirasse, ut cum u-
sitata Confessionum, Concionum-
que media refrigescant in dies, &
minus homines afficiant, in soli-
tu-

tudinem eos deduceret, ut ibi, juxta scripturam, ipsis ad cor loqueretur.

CAPUT IX.

Describitur domus, & in ea vivendi ratio.

PORRÒ ut intelligi possint, quæ 113.
 & qualis Domus Exercitiorum sit, & quæ in ea vivendi ratio teneatur; constat ædificijs duobus amplissimis & tabulatorum trium in altitudinem surgentibus, pro quibus construendis, sustentandis etiam tribus Societatis Patribus, supellectile comparanda, reparationibusque necessarijs, impensæ primum, tum annuus ex fundo redditus constitutus est à pijs quibusdam Viris. Cubicula sunt in ea Domo sexaginta; in quolibet Lectulus, Mensa, Oratorium, Cathedra, Imago Crucifixi, aliæque pijsimæ, libri duo, Meditationis unus, alter Læctionis, Præ-

terea Refectorium sanè amplum, Aula magna, area, hortus, campana, affixæ in multis locis Imagines piæ, exscriptæ sacris è Paginis sententiæ, quæ in oculos trans-euntium incurrant: in summa verò ædificij unius parte Sacellum, in quo cum lampade ardet, qui ignem venit mittere in terras, Divinus videlicet ipse ignis, SS. Sacramentum.

114. Tres illic Patres habitant & decumbunt, unusquisque in quolibet Tabulato, sed in Collegio unà cum alijs cibum sumunt: qui quidem cum necessaria supellectile, linteis, candelis, ligno, sufficitur Externis ab honesto Viro, qui vicinâ in domo commoratur: unde facilè parata feruntur omnia in Triclinium; eâdem horâ, qua in Collegio Nostri, simul mensæ accumbunt ij omnes, qui Exercitijs vacant: quo tempore silentium servatur, & ab externo Clerico pium aliquid toti mensæ prælegitur,

tur. Idem ipse benedicit & agit gratias. Interea toto illo tempore adest è Patribus unus, intentus nè quid alicui desit, & ut omnia ritè fiant; itque ipse postea ad secundam mensam: quo tempore venit alter recreationi ut intersit, quæ in aula communi habetur: ubi per hyemem ignis accenditur. Sedent interim omnes, collationemque de rebus pijs à Patre institutam sic audiunt, ut privata colloquia per id tempus misceat nemo. Explicatur eis aliquid familiare juxta & pium: aut quaestio interdum aliqua proponitur, sive de ipso Exercitiorum fine, sive de medijs, quæ ad finem illum salutemque consequendam pertineant.

Atque ità hæc domus spiritualis tota dici potest: tum quia solis rebus spiritualibus & divinis tota impenditur: tum quia parandi cibi curam admittit nullam. Ex quo id oritur commodi, quòd

non tantum nihil accipimus ab ijs, qui Exercitijs vacant, sed ab omni etiam quidlibet accipiendi suspicione immunes simus. Restat jam videre quænam potissimum media illa sint, quæ cum DEI gratia conferunt, ut hic Exercitia abs tot hominibus sine ullo tædio, imò & cum alacritate non exigua & tanto cum fructu fiant. Quæ res DEO dante & hic & alibi persistabit semper, ubi hæc observantur, quæ mox dicenda sunt.

CAPUT X.

*Media quæ cum DEI gratia efficiunt,
ut huc ad Exercitia veniant
quàm plurimi.*

116.

Primò Illustrissimus D. Episcopus mandatò Typis impresso Exercitia egregiè commendavit. Tum D. Vicarius Generalis indicem dierum quibus huc pro Exercitijs ingredi licet, typis etiā excusum ad omnes Diocesis Pa-

rochias submittit, eumque in Sacristijs affigi jubet. Deinde, Patres Exercitiorum Domûs illum ipsum dictum indicem varia in loca extra Dioecesim disseminant. Adde, quòd ij, qui Exercitia peregerunt, & alios ut veniant, invitent, & redeant ipsi persæpe. Præcipuè verò Parochi Parochianos suos; Auditores suos, Concionatores; Confessarij pœnitentes, quâ verbò, quâ exemplò student ad Exercitia cohortari. Et certè fuit Parochus, qui secum vel unâ vice adduxit è Parochianis suis ad viginti novem, quorum ipse trigessimus erat. Sic autem tot hominum cujusvis conditionis hunc in locum confluentium exempla invitant, ut scriberet non ita pridem Externus quidam ad unum è Patribus, gaudere se, quòd cum initio puderet ad Exercitia venire ob Excultorum paucitatem, jam ob multitudinem non venire suppuceat.

117. Invitat vel maximè vitæ ac morum mutatio, qualis omnino deprehenditur in ijs, qui ex hac domo egrediuntur. Invitant & ipsa Ædium commoda non minima, tot nimirum disposita Cubicula; & quæ tum ad corpus, tum ad animum copiosè subministrantur. Faciunt quoque ad Venientium multitudinem impensæ levæ, sexdecim videlicèt assium quolibet die. Eadèmq; media, quæ conferunt ut Exercitia sinè tadio, sed cum alacritate & fructu fiant; eadem etiam conferunt ut ità frequententur,

CAPUT XI.

Media qua cum DEI gratia conferunt, ut Exercitia sinè tadio, sed cum alacritate & fructu fiant.

118. **P**ATRES qui in ministerium suum implendum strenuè incumbunt, humilitatèmq; ac charita-

tem assiduitate & urbanitate temperant, eâ ratione Venientium animos tractant, quæ nihil Collegij, nihil præceptoris auctoritatem redoleat, sed sinceram quandam pietatem, & prolixam ad salutem omnium promovendam; voluntatem: Crebræ deinde exhortationes, quâ unâ re maximè Exercitia vigent. Earum quippè vel unâ plus ad mentes collustrandas, voluntatésque inflammandas potest, quam meditationes vel plurimæ. Fiunt autem in Sacello bis in die, unâque per horam integram, manè prima, secunda vesperè. Et ex illis quidem communes aliquando ad omnes habentur; aliquando divisæ eodem tempore fiunt, Ecclesiasticæ Ecclesiasticis separatim, sæculares Sæcularibus.

Recreationes porro, tùm à 119.
prandio, tùm à cœna per horam
fiunt. Quæ quidem necessariæ
omninò videntur hominibus ijs,

quæ solitudinis tantæ sunt omninò
rudes. Jucundæ autem ex æquo
& utiles habentur, eò quòd expli-
cetur ijs aliquid, quod sit accom-
modatum fini, qui eâ die in Exer-
citijs intenditur. Res istæ ut plu-
rimum in ea tractantur, de Ora-
tione, Confessione, Contritione,
Communione; Item de fructibus
ijs, qui ex peccatis admissis perci-
pi & possunt & debent: de reme-
dijs peccatorum, de occasionibus
vitandis, de medijs, quæ con-
ferant ad fructum Exercitiorum
conservandum, malam etiam
mortem fugiendam; deque alijs
id genus. Atque ut amœniores
sint; quæstionem aliquam utilem
proponere identidem assolet Pa-
ter: cui respondet, qui voluerit.
Nec enim quisquam ut respon-
deat appellatur. Ubi autem quis
respondit, tum verò responsum
excipit Pater, probat, confirmat,
pièque juxta ac suaviter absque
ulla contentione quàm potest uti-
lis.

lissimam reddit hanc interrogandi
ac respondendi viam.

Huc accedunt visitationes in 120.
cubiculis crebræ, ubi de medita-
tionibus factis, deque faciendis,
de dispositione animi, de dubijs
si quæ sint, & alijs conscientiæ re-
bus familiariter agitur. Confes-
sionum autem ritè obeundarum
magna sunt in omnem partem ad-
jumenta, tum perfectâ à terrenis
rebus separatione, & cum alijs sæ-
culi hominibus interdictio com-
merciò, tum publicis exercitatio-
nibus, privatis colloquijs, Libro-
rum lectione, qui perbenignè ip-
sis commodantur. Et in Con-
fessionibus quidem magna serva-
tur libertas. Nam secunda Exer-
citorum die lector cum calamo
& charta lustrat omnium cubicu-
la, uniuscujusque nomen exscri-
bit, simul & Patris, sive Domûs
Exercitorum, sive Collegij, cui
confiteri velit. Postea dat electo
Confessario schedulam, in qua
sunt

sunt nomina, tum eorum qui expiare apud ipsum peccata volunt, tum etiam cubiculorum in quibus habitant. Maximum tamen confessionum pondus in Patres illius domûs semper incumbit. Id verò ita fit, ut sit major unicuique libertas eligendi, quem voluerit Confessarium, & ut cuique plus temporis tribui facilius possit ad obeundas confessiones, quæ ut plurimum proluxæ sunt, quòd vel de vita integra, vel de annis aliquot institui soleant generales.

121. Audita verò Confessione differtur sæpius in aliam diem Absolutio, ut peccatorum memoriâ exsoluti, se totos precibus, excitandæque contritioni (cujus illis opportunè motiva suggeruntur) nec non pœnis à se peccatorum exigendis, impendant. Sacerdotes à Sacro faciendo tamdiu abstinere, dum suis se peccatis exoneraverint. Ipsi nimirum ad Missam, & Laici ad communio-
- nem

neni ut ad omnium ultimam, se
quàm accuratissimè disponunt.
Sub Confessionem monita sugge-
runtur aliqua; quæ ad praxim re-
ducant. Invitantur maximè, ut
animum apellant, ad regimen vi-
tæ sibi præscribendum, bona pro-
posita scriptis mandanda & ali-
quam Testamenti formam confi-
ciendam: Ijs nimirum qui tales
sunt, ut hanc conficere vel possint
vel debeant. Hanc autem aufe-
rant secum, ut sibi non parùm
profuturam: tum ut tales in vita
sint, quales volunt in morte de-
prehendi: tum etiam ut hinc ex-
citantur acriùs ad exolvenda no-
mina, si quæ habeant; tum deni-
que, ut si mors incautos occupâ-
rit, exscripta in chartis reperian-
tur unâ cum extrema in his quæ
ad se suosque spectant, ipsorum
voluntate.

Juvat imprimis opportunitas 122.
domestici Sacelli, in quo sacro in-
tersunt, & Sanctissimum Sacra-
men-

mentum sub utriusque præparationis tempus adorant omnes. Qui verò huc illos comitatur Pater, brevem, sed ardentem addit cohortationem: in qua, oratione ad Christum præsentem identidem conversâ, vel ad eliciendum de peccatis dolorem, vel ad pium aliquem alium motum excitat. Serò autem post octavam; ubi facta peccatorum altera discussio, & dictæ in Aula communi Preces, ascenditur in Sacellum, proponitur in Altari pia quædam imago aliquam Passionis Christi partem representans, eaque & fusò desuper olei & Candelis ponè appositis pellucida. Quoque maiorem erga divinissimam Eucharistiam venerationem demittentis se corporis habitus faciat, terram omnes ante discessum deosculantur.

CAPUT XII.

De ingressu in hanc Domum.

UNus est omnium eodem die ^{123.} in hanc domum ingressus. Quòd commodè ut fiat, singulis annis sub finem circumquaque in varia loca Typis impressum Programma dimittitur: quod ipsum dies singulos denotat, quibus annò proximò patebit ingressus. Et condicetur vulgò in diem Martis, quæ post primam & tertiam cujuslibet mensis Dominicam occurrit. Post primam quidem, quòd illa Dominica vulgò Sacerdotes ob Rosarij solemnitate occupet; Dies verò Martis ideò designatur, ut qui sunt Sacerdotes post peracta in suis Parœcijs sacra, seu privata seu solemnia, dare se viæ statim possint: & triduum ferme conficiendo itinèri habent, tantundem post peracta exercitia ad redeundum ante Dominicam sequen-

quentem. Cognoscunt ex dierum indice admitti posse Sabbato ante Dominicam Quinquagesimæ, qui Bacchanalium dierum periculo subducere se voluerint: item patere ingressum Sabbato ante Dominicam Palmarum ad Exercitia per S. Hebdomadam integram obeunda. Quò tempore longè maxima est se Exercentium multitudo, quamvis tota sit ex Laicis. Conveniēte anno superiori ad octoginta: & ultimo ad quindecim supra centum.

124.

Tantus verò rem unam agentium numerus eam præstat faciliorem. Quòd enim multorum commune est, longè & singulis facilius. In has autem occupationes distribuitur dies. Sub exhortationem matutinam ab Clerico inter cæteros spectatissimo inchoatur Hymnus *Veni Creator*. Sub sequitur deinde communis omnium Chorus. Sabbati verò die sub Concionem serotinam
Li-

Litanix Beatissimæ Virginis alternis decantantur. Tum eô, qui in singulis emicat fervore animi, egregiisque virtutum exemplis, ad Officium facillimè inducuntur omni cum perfectione obeundum. Monentur præterea, ut toto deinceps vitæ tempore, absque ulla tamen obligatione, singulis diebus Hymnum *Ave Maris Stella*, pro vivis & defunctis pronuncient, qui se hac in domo exercuerunt: fore, se, si id pensum suscipere velint, earum omnium precum quæ hic fundentur, participes, non in vita modò, sed etiam post obitum. Monentur etiam, esse in huncipsum finem quandam tum Sacerdotum, tum Laicorum institutam associationem; ut illi nimirum semel in anno Sacrum offerant; Hi semel missam celebrari curent, eòdemque die sacro se Pane reficiant. Neque verò ullus est ex illis, qui tam Sanctæ Sodalitati accen-

censeri non velit. Quæ autem
hactenus exposita sunt, postre-
mus dies novo pietatis sensu clau-
dit & cumulat.

CAPUT XIII.

*Quâ ratione ultimus dies transi-
gatur.*

125.

MANÈ consecratur major Ho-
stia, & in argentea Pixide
adoranda proponitur, quam in
idipsum Illustrissimus Episcopus
est elargitus. Sub Sacrum cani-
tur, *O salutatis Hostia.* Deinde
faciunt ad Aram Sacerdotes. Qui
in Sacello non possunt, vel in Col-
legij Templo, vel in aliquo è vi-
cinioribus, Sacrum peragunt.
Quo etiam die Laici omnes ad Sa-
cras epulas accedunt: licet jam
antè refecti. Horâ solitâ fit co-
hortatio: quâ pronuntiata disce-
ditur in Cubicula ad quartam vel
mediam horæ partem. Mox
Campanæ pulsû revocantur ad
Sa-

Sacellum, interfuturi piæ admodum & augustæ Ceremoniæ, quæ incredibile est quantum collectos toto Exercitiorum tempore pietatis sensus perficiat & confirmet. Præter expositum in Ara augustissimum Sacramentum, proponuntur præterea in oblonga mensa, eaque tapete decenter ornatâ, Sacra Biblia, Christi de Cruce pendentis effigies, cum Sanctorum reliquijs.

Tum Sacerdos unus inter eos, 126. qui se exercuerunt spectatissimus, pretioso ornatu indutus cum duobus Ministris, superpelliceis item indutis, ad Aram accedit, sumptoque præ manibus Augustissimo Sacramento ad astantes se convertit. Hic unus è Patribus in linea quoque veste, divinissimam Eucharistiam demissimè cum cæteris veneratus flexis genibus, & ita aram respiciens, ut mediâ corporis parte obvertat se ad Astantes; brevi, sed quantum potest arden-

ti Oratione, ad mediam ferè horæ partem perorans, totam hujus Ceremoniæ rationem explicat: simul elicit varios animi pœnitentis actus, doloris videlicet de peccatis, fidei professionis, & firmissimæ Christo se deinceps addicendi pollicitationis. Docet, hanc cæremoniã eò spectare, ut si quid in Baptismo defuit, resarciatur: vel si ex hoc divinâ gratiâ excidimus, reparetur. Esse hunc nempe Baptismum Flaminis, qui qualisque sit, explicatur. Valere etiam ad restauranda, quæ in Confessionibus nostris fuerunt vitiosa. Hunc esse Contritionis actum, qui modo verus sit & perfectus, justificandi vim habeat etiam extra Sacramentum. Denique vim obtinere publicæ & animosæ protestationis, quâ profiteantur vel se Christo deinceps addictos, vitam & omni animi demissione, obedientiâ & cæteris virtutibus insignem, ducere.

Mo-

Monet, debere unumquem-
que initiô vel in fine hujus Cære-
moniæ terram deosculari, ut hac
corporis se demittentis significa-
tione Christum in Sacramento
præsentem supremum suum Do-
minum agnoscant: osculari eti-
am Crucem invitantur, ut conte-
stentur non se pudori ducturos
sibi, cum erit Crux ferenda: tum
Sacris Biblijs manus & os admo-
vere, quòd nempe duabus illis par-
tibus sæpius in Sacrarum Scriptu-
rarum contumeliam usi sint, ve-
lintque deinceps manibus & ore
in divinam se gloriam impendere:
denique Sanctorum Reliquias de-
osculari, ut nempe profiteantur,
constitutum sibi esse, eorum vi-
tam imitari, quorum Reliquias
venerabundi deosculantur. Præit
ipse cæteros suô exemplô, doctur-
us quâ ratione peragenda sit illa
Cæremonia; tum Sacerdos, qui
facit ad Altare; sequuntur Mini-
stri, deinceps Sacerdotes & Laici,

G

gra-

gravi omnes modestia, magno pietatis sensu, & ferè semper lacrimabundi.

128. Peractâ Cæremoniâ denunciât Pater, placere & ratas haberi à Domino uniuscujusque pollicitationes; velle amantissimum Dominum novis eos in futurum beneficijs cumulare: in cujus rei argumentum sua nos illum benedictione velle impetiri: tùm celebrans Sacerdos SS. Sacramentô benedicit astantibus, & mox in altari reponit. Quibus ità perfectis monet Pater, hæc omnia beneficia à Christo JESU in nos per Mariam derivari: ideóque & pro veteribus gratijs agnoscendis, & novis impetrandis, salutandam illam Oratione, quæ incipit, *Salve Regina*, qua modulatis vocibus decantatâ subsequitur Oratio. Deinde omnibus confectis itur
ad Prandi-
um.

CAPUT XIV.

Quis tandem finis diei ?

HOrâ post meridiem alterâ fit 129.
postrema Exhortatio, in
qua, nè deinceps peccandi se vo-
luntate rapi sinant, pro argumen-
to Concionis sumuntur æterna in-
ferorum supplicia. Ad finem om-
nibus in genua pervolutis, oratio-
ne ad Beatissimam Virginem; mox
etiam ad Christum conversâ, orat
quàm potest vehementi affectu,
pro sua misericordia, neminem
ex astantibus æternis illis incendijs
addici patiantur. Quæ omnia
communes omnium lachrymas
fere semper eliciunt. Tum ac-
cenduntur Cerei, canitur *Te DE-*
UM. Quem sequitur Oratio
pro agendis gratijs. Monentur
postea omnes, tacitè apud se con-
tritionis actum elicere conentur,
ut comparent se ad eas recitandas
Preces, quæ ad obtinendas Indul-
gen-

gentias sunt impositæ. Indicatur recitandum quinque *Pater & Ave* ad Ecclesiæ intentionem. Quibus recitatis modulatè canitur, *Tantum ergo Sacramentum*. Sequitur Benedictio, quâ impertitâ, reconditur in Tabernaculum SS. Sacramentum. Deinde induto stollâ nigrâ celebrante, canitur *De Profundis*, pro Defunctis omnibus, qui hac se in domo exercuerunt.

130. Ad ultimuni monet Pater, piam hic esse & laudabilem consuetudinem, nimirum ut primorum Christianorum exemplô, omnes antequam ab invicem discedant, mutuô se amplectantur: idque in perfectæ Caritatis, & omnis ex animo sublatae similitatis indicium. Integrum tamen cuique esse, eo charitatis Officiô defungi, si velint. Cæterum meminerint, Christum Filium DEI in Incarnatione naturam humanam arctissimè complexum, & quotidie in com-
- mu-

munione nostrum unicuique pi-
um Dominum se velut colligare.
Primorum esse & Spectationum,
minoris notæ antevertere, quòd
ultimi & infimi apud DEUM gra-
tiosi sint, & ejus aliquando, ut spe-
rare fas est, in cœlo æternum con-
suetudine fruituri. Tum se om-
nes magnò demissionis & jucun-
dissimæ charitatis exemplò ample-
xantur.

Post mutuos ad hunc modum 131.
amplexus Pater quàm demissimè
potest ab omnibus veniam pro se,
& duobus Socijs petit de ijs, in qui-
bus minùs est à se erga illos satisfac-
tum. Spondet etiam, quamdiu
& Socij & ipse vivet, fore sibi cu-
ram, DEUM pro eorum salute
deprecandi. Denique antequam
abeant, rogat Pater, ut pro mu-
tua qua se complexi sunt charita-
te, brevi precatatione unum à DEO
petant, nimirum nullus ut ex cœ-
tu æternum damnetur, sed mutuâ
societate cœlis aliquando gaude-

ant. Recitatur in hanc rem à singulis semel Oratio Dominica cum Salutatione Beatissimæ Virginis. Quibus dictis, iterum ad terram strati eam humillimè deosculantur. Tùm verò abscedunt invitipropè, dulci devotionis sensu toti perfusi, & ad suam alienamque salutem omni ope juvandam & curandam mirum quantum animati. Atque ità illæ exercitatione finiuntur.

132. Jam verò quantum hæc omnia molliant animos, quàm fortiter excutiant, si quid vel tædij vel tepiditatis inhæsit; quantum concepta toto illò octiduò DEO liberaliter serviendi consilia confirmant; quantum ad perfectam animorum conversionem, qui nostrarum exercitationum finis est præcipuus, juvent & serviant; quàm blandè denique invitent ad eadem Exercitia subinde repetenda, & ad suum propositum cum alijs communicandum, qui vis cogi-
- gi-

gitatione facilius, quàm nos oratione, complectatur.

CAPUT XV.

Concluditur totum opus
dissertatione,

Quà suadetur fidelibus, ut solitudinem sanctam Exercitiorum Spiritualium ingrediantur.

NON absque injuria communis parentis naturæ vituperantur deserta & solitudines, dum veluti quædam horro-
rum patriæ, & orbis exilia, vel tanquam otiosæ ac pigræ, nihil ad bonum universi conducentes appendices à
superba mortalium ambitione extra mundum rejectæ contemnuntur. Cum tamen austera illa solitudinum facies maximè officiosa
sit curatrix humanæ sanitatis, etiam in ipsa illa sua, quam præsefert
sterilitate, amplissimam, instructissimamq; aperiens medicamentorū
officinam, quæadmodū testis est se-

133.

Plin. l. 26. Hist. natur. c. 1. cretus naturæ historicus, nè Sylva quidem, horridiorque naturæ facie: medicinis carent, Sacra illa parent: omnium nusquam non remedia dispanente, ut medicina fieret etiam solitudo ipsa; Et virtus herbarum, & arborum folia, frondes & fructus, & radicum, feminumque vis quodam spiritu medicò vegetantur; quin etiam petrae ipsae, vermiculi, atque monstra ipsa (quis crederet?) vi salubritatis humanæ magis, quàm vitæ propriæ animantur vigore.

334. Sed parùm esset, si corporibus duntaxat medicinam pararet solitudo, nisi etiam ægrotantibus remedia propinaret animis; silentia illa solitaria procul à tumultibus urbicis, à strepitu forense, à contentionibus Curiarum, & fastidiosis rerum domesticarum musitationibus discreta, quid nisi leniter inducunt amænissimam fatigato animo tranquillitatem? Umbrae illæ frigentes, quid nisi dif-

dissipatis nubibus affectuum sinistrorum, fumis passionum, ac vitiorum vaporibus depressis auream infundunt menti serenitatem? Denique Sylvæ illæ profundæ lectulos, veluti nidulos pandunt curis vacuos, & rudes illi stipites ramos porrigunt aureos, quibus campos Elysios beatissimæ quietis aperire sibi valeat ærumnosa mortalium conditio.

Neque jam opus est procul 135.
relictis urbibus, remotas Nitriæ
atque Thebaidis petere solitudi-
nes: nōrunt enim verò domesti-
cas eremos, atque civilia sibi fa-
bricare deserta grandes & subli-
mes animi, quibus divinum os il-
lud inscripsit encomium: *ædifi-* Job. 3.
cant sibi solitudines. Quot in Urbe ^{14.}
populosa, Religiosorum fuscitan-
tur claustra, ædēsque sacræ, tot
ab omnibus ventorum turbis,
mundique tempestatibus tutissima
panduntur sanctuaria, in quibus
per dies aliquot ab inquieto sæcu-

li, negotiorum; amicorūque strepitu segregata mens, saluberrimam, summēque necessariam invenire potest vitæ correctionem, animique medelam certissimam, *ut medicina fiat etiam solitudo ipsa.*

136. Ad brevem hujusmodi recessum invitat ipsa rei tractandæ gravitas, videlicet negotium de anima, de æternitate, de suprema in cælis beatitudine, quod facile turbari potest ab inquieta terra. Conversationes mundi venenô multô abundant, eoque sublimes etiam cogitationes, & desideria planè cælestia inficere solent, serpentibus illis persimiles, qui ad radices Olympi montis adeò intoxicant halitibus aërem, ut prætervolantes aves enecent, atque in ora hiantia cadentes absumant: *Emergunt atque hiant, supervolantēsq̃ aves, quamvis altè & perneciter ferantur, absorbent.* Si cogitationes sublimes veluti columbæ Noë al-

Pom.
pon.
Mela. l.
2. c. 6.

altiores diluviô corruptionis humanæ, omnémque labem terrenam dedignentur : si cogitationes generosæ atque magnanimæ, veluti aquilæ alarum magnarum excelso libani iminentes cacumini, medullis cedrorum vitæ perfectioris inhient, procul ab illis arceantur ora contaminata, quorum dissertationes venena, consilia mortes & cadavera spirant ; *Se- psal. 5. pulchrum patens est guttur eorum. 11.*

Ut igitur mundani strepitus 137.
non perturbent vocem loquentis
Numinis terrenæque caligine non
prepediantur illustrationes cœlestes ; aliqua solitudo, & à consortio humano sui ipsius retractio imprimis necessaria est ; quandoquidem hic mos Divini sermonis est, non nisi in solitudine loqui ad cor audientis, ut in sacris Paginis protestatur : *Ducam eam in solitudinem, & loquar ad cor ejus. Osea. 3.* Sed vox divina muta est, & surdum cor humanum, quàm diu strepunt

sensus, aut negotia terrena tumultuantur. Nam oraculô Gregorij,

Greg. l. Unde homo exteriùs auditum aperit,
23. interiùs obsurdescit. Jūgatur solitu-

Mor. c. dini cordis solitudo habitationis,
12. ut in hoc parvo deserto alloquatur

anima petram vīvam, quæ Christus est. O! quàm brevi copiosæ misericordiæ fontes erumpent? Lo-

Num. quimini ad Petram, & dabit aquas
20. suas? O! quàm uberes benedi-

ctiones collectus in seipsum animus, Deoque in solitudine adstrictus, & ad luctam accinctus obtinebit! interno ille manifestabit lumine, dicique poterit de hoc solitario, quod de Moyse affirmavit

Greg. l. Gregorius: Postquam in desertum
28. fugit, quasi ab inquietis desiderio-

Mor. c. rum terrenorum tumultibus obdor-
10. mit, & ideo vocem divinam percipere meruit.

138. Ad grandia negotia ritè pertractanda, qualia sunt illa, quæ nunquam desitutam aut felicitatem & gloriam, aut calamitatem & igno-

mi-

miniam tangunt, magnâ opus est sobrietate & serenitate; neque unô alterôve duntaxat horæ quadrante moles tantarum æternarum rectè prospici & perfpici valet; & idcirco specialis DEI favor est, initiûmque salutis, instinctus ille, quô anima se revocare in seipsam, atque suis de rebus agere cupit, sola in cubiculo secreto habitatura. Ita faciebat immortalibus digna honoribus heroina Bethuliæ, *Quæ in superioribus domus suæ fecit sibi secretum cubiculum.* *Judith.*
8. 5. :

Et nonnè minuta hæc solitudo secretum fuit Amazoni isti armamentarium ad exterminandum Holofernem, & profligandum exercitum Assiriorum? E cubiculo isto secreto prodit in campum plena ornatu ac venustate: neque in vanum colores in vultu, monilia in collo, sandalia in pede, velut novus & insolitus militiæ apparatus: aureæ quoque armillæ inter hastarum ensiûmque sylvas: è serico & auro contexti panni inter Cassides & Loricæ: candidæ cerussæ, rubentésque Cinnabares inter militares ardores ornamenta fuere, quibus armata mulier Holoferni esset metuenda magis, quàm si truci ornata fuisset chalybe. Blanda hæc ornamenta, validissima contra impium Ducem fuere arma, *S. Aug.*
quem teste Augustinô moniliorum tela sefer 229
rire de temp.

vire didicerunt. Nimirum in solitudine sancta ipsa pulchritudo & venustas, atque ornatus animæ in arma & instrumenta convertitur victoriæ.

140.

Cubiculum hoc secretum, hoc parvum desertum in libello isto indicatum & apertum habes Lector humanissime; nihilque aliud est, quàm ostiduum illud, quô Philosophiæ cælesti per Exercitia Spiritualia S. Ignatij vacatur. Chære Lector, si Clementissimus DEUS tam grandia bona Spiritualia operatus est; atque etiamnum operari non cessat in solitudine Exercitiorum S. Ignatij, non mihi persuaderi sinam, te aut intellectu ità obtusô, aut voluntate ità esse obstinatâ, ut neque perspicias, neque approbes, & tibi exoptes aliquam saltèm portionem illorum bonorum, quæ in hoc opere legisti. Quid igitur vetat octo, vel decem dies totî anno, aut vitæ forsân universæ à curarum temporalium strepitu seponere, atque negotio æternitatis tuæ fortè jam vicinæ pertractando, in Exercitijs Spiritualibus addicere? Non ego te ad id compello, sed hortor, oro, & obtestor, tui ut curam geras, téque non negligas. Vitam utique etiam in terris beatam in votis & desiderijs habes: ecce tibi pendent illam dies illi beatissimi, quibus in cubiculo

culo secreto de beatitudine tua cum Deo
ages. Nunquid aliud tibi suadeo, quàm
quod ipse toto pectore adamâsti? *Vera
enim ratio persuadendi est, dum id poscitur, Ep. 1.
ut impetremus à vobis, quod concupiscitis, Paren.*
agebat S. Præful Eucherius.

Hortatur ad id genus solitudinis, in- 141.
vitâtque Sanctissimus in terris Christi
Vicarius Pastor tuus Paulus III. P. M.
verbis gravissimis in ejus Bulla superiùs
recitata: *hortantes plurimàm in Domino
omnes & singulos utriusque sexûs Christi fide-
les, ubilibet constitutos, ut tam pijs docu-
mentijs & Exercitijs uti, & illis instrui de-
votè velint.* Audi & Alexandrum VII.
P. M. qui tum exemplô suô ac propriâ
experientiâ, tum præmiô ex thesauro
Indulgentiarum proposito ità paternè
& amanter te invitat. Et quæso te, re-
cogita seriò, quòd annos jam multos
corpori dederis; & quot in anno dies
charæ animæ tuæ donâsti? Multa lustra
jam fortè numeras, quibus tibi servivi-
sti, rebûsque terrenis curandis: & num
tempus in tota illa temporum serie
DEO tuo quodpiam est deputatum? To-
tum fortè vixisti obsequijs alienis, Prin-
cipum, Tribunalium, aliorûmque Rei-
publicæ munerum: & an DEO vixisti
modicum? Eja igitur devotè Lector,
Zelum D. Petri Chrysologi admitte:

De-

Dedimus animæ dies ; impendimus tempora nobis : deputemus tempus Auctori : vivamus DEO paululum , qui Seculo vivimus totum : seponamus domesticas curas. Paucos dies expendes , ut de æternitate tua securum te reddas.


142. Claudat hanc dissertationem devotissimis verbis suis magnus Theologus , & magnus Sanctus , Anselmus , tibi que serviant pro amabilissima invitatione ad recedendum in solitudinem Sanctam & medicinalem Exercitiorum Spiritualium. En verba pretiosissima , atque simul gravissima : *Eja nunc homuncio fuge paululum occupationes tuas : absconde te modicum à tumultuosis cogitationibus tuis : abjice nunc onerosas & postpone laboriosas dissensiones tuas : vaca aliquantulum in eo , intra cubiculum mentis tue. Dic nunc totum cor meum , dic nunc DEO : quero vultum tuum , vultum tuum Domine requiro.*

Eja nunc Domine DEUS , doce cor meum , ubi & quomodo Te inveniat !

A. M. D. G.



ora
a-
us
u-
ua
if-
&
ue
ad
&
ali-
fi-
age
te
is ;
sus
eo
eo
pul-
iro.



V. Nicet.




liotheca 800,-
lensium in Bielany

Bibliotece Jagiellońskiej



06078

F. 11.31



45
P.F.

1516
237
A



457296 Bibliotheca 800,-
P.P. Camaldulensium in Bielany

Depozyt w Bibliotece Jagiellońskiej



06078

F. 11.31

F